

讀
春
秋
管
見

疑園讀春秋管見卷之十二

慎齋羅典徽五氏定稿

昭公

十有四年

春意如至自晉

男紹祁孫

善 恕 賢 綸

校字

管見去年秋八月。晉人執季孫意如以歸。其冬公如晉。至河乃復。必謂晉侯之怒公未已而辭之也。一趙今年春而意如乃至自晉。豈晉侯之釋然於公而遽歸意如哉。蓋由意如之賂晉卿而使請于晉侯。即因晉卿以賂晉侯而使

晉侯遂從其請耳。其請之之辭。又必謂晉邦之所愆于會者。皆出自公。而非意如之罪也。是時晉侯夷幼弱。六卿彊而奢傲。其執政韓起。為最苟吳佐之。惟所欲為耳。故昨冬之公如晉。至河乃復。傅稱苟吳告韓宣子。使辭公。宣子即韓起也。及此春之意。如至自晉。傅又稱魯之子服惠伯。私于中行穆子。以告韓宣子。使歸意如。如中行穆子。即荀吳也。然則意如之倚韓荀二家。以略細結。俾得假晉侯之權。以制魯君。而庇季孫者。亦惟所欲為矣。度其至自晉以後。其專橫益為公所不堪。他時之孫于齊。卒客死于乾侯。非憑是為倡。逐之始基乎。計前隱桓莊之世。有公族為大夫。而強戾無君。皆削氏而斥其名。如所書無駭。書翬。書挾。書柔。書溺者。是已。今桓族有季孫氏。至意如而無君特甚。則其從削氏書名之例。固其惟孔子與意如同時。其加之貶絕。猶必以婉出之。故其名意如而不及氏。亦可使讀春秋者。疑于前書晉人執季孫意如。則今之至自晉者。本一事之始終。則其氏可省。以非同于削氏而斥其名之常例也。此

正傳之所謂志而晦者與然執季孫意如在去年秋八月此其至自晉者在今年春又可使讀春秋者審于事既隔年則不得如事之同在一年者可緣前文以從省即仍不素于削氏而斥其名之正例也此又傳之所謂微而顯者與

三月曹伯滕卒

晉且此曹武公也其先為曹伯負芻又其先為曹伯廕前成公十三年宣公會晉師伐秦曹伯廕卒于師襄公十八年成公會晉師圍齊曹伯負芻亦卒于師凡皆迫于伯令非王事也夫豈其死所哉至曹伯滕嗣之凡在位二十七年及茲昭公之十四年三月得書曹伯滕卒是必在其國而卒于路寢也亦云幸矣

夏四月

秋葬曹武公

八月莒子去疾卒

冬莒殺其公子意恢

管見莒子去疾卒立其子郊公狂蓋猶在幼稚而以公子意恢輔之時莒大夫蒲餘侯茲父善于莒子去疾之弟庚與去疾子郊公又獨善于公子意恢而惡公子鐸鐸因與蒲餘侯謀使殺公子意恢公子鐸遂逆庚與于齊立之郊公不知所在蓋為莒之沈殺有力者所匿初不令公子鐸及蒲餘侯之徒得而踪跡之也故經不書出奔但書莒殺其公子意恢以見改立庚與皆之偪逐郊公有如此耳至左傳言郊公出奔齊殆未必事常就傳求之既以庚與先亡在齊及茲而公子鐸如齊逆之齊復使鬬黨公子鉏送之有賂齊之田若使郊公果出奔齊齊豈不能執郊公以

悅。庚與而更索賂。田哉。觀此後十年。當昭公之二十三年。莒子庚與來奔。為復立郊公也。其在位終。西狩獲麟之時。而未聞其卒。據此推度。當必有人焉。能隱出之。至十年。而保全無患。乃能推奉之。至一十七年。而安穩不搖也。或謂莒之先匿郊公。而後復立郊公者。莫可指目。亦不能無疑焉。按下二十三年傳云。莒子庚與虐而好劍。苟鑄劍。必試諸人。國人患之。又將叛齊。是即可為出庚與而納郊公之機矣。維時賴有莒大夫烏存。帥國人而逐之。庚與將出。聞烏存執父而立。于道左。懼將止死。復有莒大夫苑羊牧之。謂庚與曰。君過之。烏存以力聞可矣。何必以弑君成名。夫非恐庚與之不還奔魯。而更速之。使去莒乎。然則莒郊公之以匿存其身。以復立安其位者。即賴此烏存苑羊牧之二大夫與。今公子意愜。受著邱公去疾之顧託。而不能其事。身既遇害。使君亦瀕于危。苟非莒二大夫之沈毅有力。其何能為之救。敗而圖終耶。若傳之言。莒庚與來奔。直結出齊人歸郊公。當與此言。莒殺其公子意愜。直掉入郊公。

出奔齊者皆奔臧定而
未審之辭不宜泥看

十有五年

春王正月吳子夷末卒

晉見前吳子乘亦稱壽夢生四子長過次餘祭次夷末季
則札也壽夢初以札為賢欲立之札固辭乃立過由過及
餘祭餘祭及夷末三傳皆兄弟相及欲終致國於季札以
稱其父壽夢之意至此昭十五年吳子夷末卒將立季札
札辭益二夷末乃立其子僚焉逮此後之二十七年
而吳弑其君僚則過之子閭廬所弑也閭廬經書光

二月癸酉有事于武宮籥入叔弓卒去樂

卒事

晉見禮記明堂位云。魯公之廟。文世室也。武公之廟。武世室也。魯公廟本無文稱。由成公六年。季孫行父始立武宮。然後易魯公之廟號為文宮耳。至襄公二十年冬十月。季孫行父卒。其諡曰文。必令從享於文宮。以別於武也。至昭公七年之冬十一月。季孫宿卒。其諡曰武。亦必令從享於武宮。以別於文也。但魯以周公之太廟為最尊。其魯公武公之比於文武世室者。亦當以文宮為尊矣。何以此十五年之二月癸酉。獨稱有事於武宮也哉。蓋緣先之十三年秋。晉會諸侯。同盟於平邱。以聽莒邾之愬。辭公使不得與盟。其勢將逞霸國以執公。而不果。乃執季孫意如以歸。公得至自會。及昨十四年正月。意如亦至自晉。此在意如之心。將謂公之幸免於執。必由武公之靈足。以陰憚晉侯之魄。而舍之。即亦自謂其不免於執。而遽得釋。必由武公之靈及其父季孫宿之靈足。以默牖晉侯之衷。而脫之也。其可不於反而告至以後。特有事於續戎祖考之武宮乎。意如以是白公。公亦莫敢不諾矣。至於以此十五年二月癸

酉方有事於武宮。簫入而叔弓卒。彼叔弓者。為叔老之子。系出於宣公之母弟叔肸也。襄之二十二年。叔老卒。叔弓固當襲其卿職矣。經事襄昭二君。先從季孫宿佐政十八年。又復從季孫意如八年。其間出使於滕宋晉楚諸國。而外如疆郕田。敗莒師。又從伐莒。復國費。其帥師著有戎功。亦魯之重臣也。適當蒞事武宮。及簫入而卒。為之去樂卒事。此於先王之定制。無可考。殆亦習聞宣公有是亡於禮者之禮。遂踵而行之耳。攷宣公八年夏六月。公子遂如齊。至黃乃復。辛巳。有事於太廟。壬午。猶繹。萬入。去簫。與此年之於叔弓。大畧相類。而文義亦有辨焉。蓋簫為舞器。之有聲者。既言去簫。則樂之盡去可知。若此。惟稱簫入。無去字。則不得不以去樂明指之矣。且凡樂器皆宿縣。惟舞者以當事。乃入。故特稱簫入。以著其適當有事於武宮之初。而叔弓卒也。況乎春秋之記宣公。亦越昭公者。雖並為有事。而宣公於太廟。昭公則於武宮。雖統為去樂卒事。而宣公於繹日。昭公則於祭時。又何可混而一之也耶。

夏蔡朝吳出奔鄭

〔晉見〕朝吳。杜注但云故蔡大夫聲子之子。則是本無仇也。惟彼蔡之國。人益皆屬之目耳。此前之十一年夏。楚子虔誘蔡侯般。殺之於申。楚公子棄疾帥師圍蔡。冬十一月。楚師滅蔡。執世子有以歸。用之。使公子棄疾為蔡公。朝吳。必心傷之。而莫如何也。十二年冬。楚子伐徐。以懼吳。次於乾谿。前楚子昭從觀起。其子觀從在蔡。事朝吳。乃曰。今不封蔡。蔡不封矣。我請試之。從固以父死怨楚。而謀作亂。以復蔡也。是實深中朝吳之隱。能不為之助乎。故觀從遂以蔡公棄疾之命。召公子比於晉。並召在鄭之公子黑肱。及邲而告之情。強與之盟。入襲蔡。蔡公棄疾方食。見之而逃。觀從使公子比食坎。用牲加書而速行。已徇於蔡。曰。蔡公召二子。將納之。與之盟。而違之矣。將師而從之。國人聚將執之。辭曰。失賊成軍。而殺子。何益。乃釋之。朝吳曰。二三子若能死亡。則如違之以待所濟。若求安定。則如與之以濟所

欲且達上何適而可。衆曰：與之。乃奉蔡公名二子而盟於鄧。許封陳蔡之國而依倚之。即帥師以入楚。蔡公棄疾使人先入。因正僕人殺太子祿。及公子罷敵。公子比為王。黑肱為令尹。次於魚陂。公子棄疾為司馬。先除王宮。使觀從乾谿之師而遂告之。且曰：先歸復所。後者剿。師及訾梁而潰。王沿夏將欲入郢。芊尹無宇之子申亥求王。遇諸棘園。以歸。王繼而死。當蔡公棄疾之除王宮也。國每夜駭曰：王入矣。其乙卯夜棄疾使周走而呼曰：王至矣。國人大驚。使蔓成然走告於公子比及黑肱曰：王至矣。國人殺君司馬將來矣。君若早自圖也。可以無辱。衆怒如水大。不可為謀。又有呼而走至者曰：衆至矣。二子皆自殺。丙辰棄疾即位。更名居。旋封陳蔡。使蔡侯廬歸於蔡。陳侯吳歸於陳。亦即名觀。從曰：惟爾所欲。對曰：臣之先佐開卜。乃使為卜尹。又以朝吳與有力。並授以官。蓋亞於觀從者。然朝吳志一於蔡。既幸楚之復舊國而置新君。所願得矣。豈屑計其身之榮哉。適及茲十五年而楚有讒臣費無恤以朝吳在蔡。

恐其將有寵於王。欲去之。乃謂之曰。王惟信子。故處子於蔡。子亦長矣。而在下位。得必求之。吾助子請此。不知已者之言。朝吳固當以為汚吾耳矣。無極又謂其上之人曰。王惟信吳。故處諸蔡。二三子莫之如也。而在其上。不亦難乎。弗圖必及於難。夏蔡人逐朝吳。此所謂上之人非即前嘗事朝吳之親從乎。彼其處朝吳之將有寵於王者。與無極不謀而合。乃即一切不顧。而以蔡人逐之也。由是朝吳以逐出奔。既非忽然於蔡。而其出奔鄭者。並不往。愬於楚。詎不謂楚子居之信讒。固不可與言哉。觀其出奔鄭之後。王聞之。怒。詰無極。無極對曰。臣豈不欲吳。然而前知其人之與也。吳在蔡。蔡必速飛去吳。所以翦其翼也。楚子居遂不復言。則朝吳之先見為極審矣。夫朝吳先無位於蔡。而遭楚之加禍。既不忍於有托而逃。然獨抱其忠。後受官於楚。以佐蔡之復興。又實緣於有故而去。飄然獨完其節。故春秋特深嘉之。亦重慨之。書曰。蔡朝吳出奔鄭。蓋以朝吳繫之蔡。欲見蔡人之心乎。蔡者更無有對也。而其事蔡侯

盧特居下位。則不得舉其爵以辱朝吳矣。至於不容於蔡而出奔鄭。此為上位觀從之所幸。顧非蔡侯盧之大不幸耶。

六月丁巳朔日有食之

秋晉荀吳帥師伐鮮虞

管見晉之荀氏為隰叔之後。食采於荀。因以為氏。及荀息之子荀林父將中軍。又以中行氏稱焉。惟春秋書氏必從其朔。或一宗而別為之氏者。皆一例。削之。故荀吳不稱中行吳也。鮮虞在今真定府新樂縣西南。雖狄類而未嘗為中國患。值是昭之十二年冬。晉伐鮮虞。未得志。復於茲十五年秋。晉荀吳帥師伐鮮虞。其師無名。惟是役焉。思啟封疆以利社稷耳。然亦但書伐鮮虞而已。究之何嘗得志也。或至傳稱荀吳伐鮮虞。圍鼓三月。以鼓子戴鞮歸於經文。

無可
推見。

冬公如晉

管見此昭之十五年。即晉侯之五年也。公以其冬如晉。蓋
絲霸令有五歲而朝之。成例耳。至十二年平邱之會。公不
與盟。晉人執季孫意如以歸。而公得免。公必親往拜之。則
是年冬十月之公如晉是矣。若其至河乃復。實由意如賂
晉卿而使辭公。晉侯固不知也。即可料
明年春之得見晉侯。公亦必不敢言。

十有六年

春

齊侯伐徐

讀春秋管見

卷十二

昭公二十九年

七

管見趙氏鵬飛曰徐自齊桓之霸內從北方宣成襄之世
不見於經蓋從楚爾昭四年申之會徐人在焉楚人以其
求於吳也即會執之故明年徐從楚伐吳其後比於楚今
楚大亂之後楚平新立齊侯伐徐僥倖其或從也無桓公
之德而望桓公之服徐吾見其不自量爾齊侯書爵非褒
也杜謬以為別大夫之專兵是也宋氏鉉翁曰徐之封在
齊南鄙桓公之霸楚成伐徐桓公躬率諸侯盟於牡邱次
於匡以救之又出偏師伐厲以攻其所必救非但為徐計
亦自為齊計也今齊景晬晚晉霸而不能志其遠者乃伐
徐以為左右望之計視桓公之保徐有愧多矣李氏廉曰
此為晉霸既衰齊景爭霸之始也齊景公以襄公二十五
年即位及今二十餘年矣自崔慶相殘之後委政二惠及
樂高敗乃始親政不能明政刑以疆其國委任陳氏觀
子之言而景公之自治疎矣乃欲以無政之國爭疆圖霸
宜其不遂振也按

三說已盡經旨

楚子誘戎蠻子殺之

管見杜註河南新城縣東南有蠻城。後漢志新城有郛聚古郛氏。今名蠻中。水經註汝水自梁縣東逕麻解城北。故郛鄉城也。蠻麻解近。故誤耳。章懷太子曰。蠻中聚在梁縣東南。今河南南陽府汝州西南有蠻城。是其處也。左傳楚子間蠻氏之亂也。與蠻子之無質也。使黑丹誘戎蠻子嘉殺之。遂取蠻氏。註無質即無信之謂。胡傳楚子之誘一也。或名或不名者。度欲滅中國而棄疾討蠻氏。謹華夷之辨也。蔡侯與蠻子之見殺一也。或名或不名者。蔡侯弑父與君蠻氏亂而無質其罪之輕重亦差矣。家氏鉉翁曰。書誘書殺。蓋罪之深。皆以子稱見。雖有大。小。強。弱。之。不。同。而。於。周。班。皆。為。子。不。得。相。侵。凌。況。誘。而。殺。之。乎。余氏先曰。戎蠻戎之別種。其稱戎猶赤狄之有潞氏。甲氏。留吁。舒之有舒。參。舒。庸。舒。鳩。也。戎蠻既稱子。則安於王化而服從晉霸者也。特以地在申。葉。許。鄭。之。西。而。南。界。楚。之。白。羽。故楚人

訪蠻子而殺之耳。按合觀傳說其義蓋止乎此。

夏公至自晉

管見左傳公至自晉子服昭伯語季平子曰晉之公室其將遂卑矣君幼弱六卿彊而奢傲將因是以習習寔為常能無卑乎平子曰爾幼惡識國按此傳特記昭伯之言其意即以晉侯暗對魯君以晉六卿暗對魯季孫意如耳家氏鉉翁曰公如晉踰歲涉三時之久乃還皆意如之陷其君也汪氏克寬曰昭公去年冬如晉今夏書至為受制於大國故然雖不書晉人止公但考其時而事亦著矣是二說者與傳義互相發明

秋八月己亥晉侯夷卒

管見李氏廉曰晉昭立於昭公之十年在位日淺僅有厭憚平邱之會其餘則再伐糾虞而已李氏曰晉至平昭勤

事凌遲。曠廢春秋所書。皆錄變之大者也。平公五盟六會。祇齊伐。率宋夏。平蔡亂。城淳于。晉祁午數當時之功如此。然內有變而不知。外有患而不悟。尚何有功足云哉。尊為邦君而授權於大夫。此溴梁之會。平公所謂內有變而不知者也。身主夏盟而授權於荆蠻。此宋之盟。平公所謂外有患而不悟者也。溴梁之事。諸侯在會而大夫實主裁書。是委權以與之也。荀偃一怒而十二國興戎。後五年樂盈之變。作曲沃之民。惟主樂氏不知公室。晉幾分國而竝立矣。宋之盟。晉主夏盟而挾諸侯以昇楚。是棄權以假之也。號之會。再讀舊書。後八年楚靈會於申。實用齊侯召陵之典。晉益十年無與國之事矣。至於昭公之政。則又微矣。僅一會大夫。一盟諸侯。方楚虔辱於乾谿。北方庶幾復霸。為晉君臣者。改物厲志。憤懣警懼。以率舊烈。猶恐不逮。今也四方未覩德。而虬狁崇侈以啟貳。列國未聞信。而邾南盛兵以示汰。平邱雖曰同盟。齊敢拒命。鄭敢爭承。衛病芻蕘之援。魯困蠻夷之訴。坐視諸侯之去而不之顧。況能駕敵。

國哉。宜乎。晉之。卑也。按此論定平昭極允。錄之。

九月大雩

〔管見〕左傳。九月大雩。旱也。按昭之三年秋八月大雩。六年秋九月大雩。本屬魯之故事。則今十六年之秋九月大雩。猶是奉行故事。云爾。觀上書夏公至自晉。秋八月己亥。晉侯夷卒。魯方以九月大雩。公亦以為祭。則寡人而止。而其下即聯書季孫意如如晉。冬十月。莖晉昭公。歲將終矣。早其濟乎。政由季氏。亦何從得見季孫意如之計及於民也耶。

季孫意如如晉

冬十月葬晉昭公

十有七年

春小邾子來朝

傳見昭三年秋小邾子來朝至是十七年春小邾子再來朝豈愛魯哉亦畏之耳其畏為何邾氏敦曰魯既卑矣小國猶有朝者晉亦卑矣諸侯猶有往者此不畏其君而畏其強臣耳按此說扼要觀傳稱小邾穆公來朝公與之燕季平子賦采芣穆公賦菁菁者莪其贈答以詩雖不足深信然公之燕小邾子未聞有言而平子意如儼然自為主而視小邾穆公為客輒假能賦以互相誇詡此置公於何地乎是則魯之有強臣而小邾子畏之乃以朝公為名而接者其情事亦概見矣

夏六月甲戌朔日有食之

言月利也
管見凡春秋書日有食之。有讀去聲。同又並指其不當食而食言。詳見前隱公三年矣。凡日食。天子親鼓於社以助陽。亦自致其憤發震動之意。必於社者。以社受天陽故耳。至諸侯之救日食。以為天子非自為也。去年夏六月甲戌朔日有食之。祝史以為請。昭子謂諸侯救日用幣以祈社神。伐鼓於朝以自責。非是。蓋日食用幣。欲於食訖復常。後用之以覲日。詎為祈社神哉。若其伐鼓助陽。亦必於社。不得於朝也。適有日食之變。不使諸侯心乎天子以憂王室而教之自謀釋脅解厄曰。伐鼓於朝。諸侯可當日象乎。日有常食不當食。禮無或救或不救者。而是時之季平子乃獨逞其妄說。漫謂日有食之。惟正月朔。憲未作。於是乎伐鼓用幣。此夏六月也。豈正月乎。大史乃對曰。正此月也。亦以正陽之月。建巳於周為六月。於夏為四月云爾。然周雖以十一月為年首。何嘗改夏之四月為六月哉。觀小雅之刺幽王有正月繁霜篇。即為明證。亦足料季平子之情態。與夫太史之辨駁語皆造設。非有徵矣。且日為王象。天無

二日土無二王諸侯雖有君稱於日象不協此年之日有食之寧為昭公之將為平子所逐而先示之兆與當其請救日食平子弗從昭子退乃自言曰夫子有異志矣不君君矣以是為觀變之哲夫孰知其有乘大義也耶

秋郊子來朝

管見郊屬魯南之小國而與季氏之費接壤魯之執政自季孫行父以後日益專橫故前襄之七年春郊子來朝蓋以公為名而真得通於執政之季孫宿也及昭之七年冬季孫宿卒季孫意如嗣之經十年為昭之十七年郊子復以其秋來朝又孰非以公為名而真得通於執政之季孫意如耶郊之世次無可考此郊子亦未審何名然少皞擊之後也其答叔孫昭子之問官極詳核孔子聞之見郊子而學焉既而告人曰吾聞之天子失官學在四夷猶信當其來朝而公與之燕季孫意如必與焉殆不敢如春之小邾子來朝報從燕時賦詩倡先借以自明宗國世卿之

風雅
矣

八月晉荀吳帥師滅陸渾之戎

管見陸渾之戎以山名。陸渾山在今河南府嵩縣東北四十里。伊水出焉。與盧氏縣壤相接。左傳云。晉侯使屠蒯於周。請有事於雒。與三塗。許之。於是晉荀吳帥師。涉自棘津。使祝史先用牲於雒。陸渾人弗知。師從之。遂滅陸渾。數之以其貳於楚也。陸渾子奔楚。高氏閔曰。宣三年。楚子伐陸渾之戎。自是陸渾睦於楚。今荀吳滅之。汪氏克寬曰。陸渾之戎。本居秦晉之西北。在葭服之外。自僖之二十二年。晉人與秦遷之於伊川。以侵偃王。幾則是晉人始謀之不臧也。今與楚爭強。掩其不備而滅之。蓋不足以贖前之過矣。按去年夏。公至自晉。子服昭伯謂季平子曰。晉君幼弱。大帥強而奢傲。公室其將卑矣。秋八月己亥。晉侯夷卒。在位六年。以幼弱稱。則同。未。在。位。矣。其初立二年。晉伐鮮虞。

及立四年。晉荀吳帥師伐鮮虞。豈晉侯夷之志哉。既卒。頃公去疾嗣之。蓋昭公之弟而非其子。亦不得為長君也。當頃之元年。為今魯昭之十七年。秋八月。晉荀吳帥師滅陸渾之戎。又豈晉侯去疾之志哉。蓋晉業日衰。昭與頃之際。六卿之勢張。其最甚者。內之執政。為韓起。外之帥師。為荀吳也。計先之事。晉侯夷而伐鮮虞。由韓起定謀。必使荀吳效力。而經無所指目。特以晉為統辭。欲並誅晉侯夷之。不能君而韓起之罔其君。以自用耳。伐之未得志而還。其明年秋。韓起欲為晉合諸侯而難之。因特假王臣劉子以徵會。而遂泣盟。乃得同盟於平邱焉。夫寧不謂晉之霸業於此幾復振乎。又踰一年。而使荀吳帥師復伐鮮虞。欲竟其事。以為功也。而卒亦無功。蓋鮮虞之禦晉師。據傳推之。實主於守。以避晉之鋒。備出於叛。與降。以止晉之暴。故鮮虞有邑曰鼓。晉師至。不戰而守。當其圍之。輒有鼓人請以城叛。其果叛與特為叛。足。以緩師之攻耳。鼓人敢請。荀吳固竊疑其叛之詐。而弗敢納。至此後圍之三月。不克。則其守。

固矣。輒又有鼓人請降。其果降與。亦特為降。足以免師之殺耳。鼓人敢再請。苟吳仍竊疑其降之詐。而弗敢受。於時晉之軍吏。先後進詢。所以。苟吳皆強辭以答之。一謂叛為奸人。吾不可以欲城而通奸。一謂降為怠民。吾不可以獲一邑而散民怠。其理近正。其氣似壯。然心知鮮虞之不易圖也。俟鼓人食盡力竭而取之。克鼓之日。不戮一人。以鼓子戴鞅歸。塞賁而邑。既踰年。終事晉侯夷。始繼事晉侯去疾。以執政之韓起。自度先嘗以四年中。兩伐鮮虞。卒惟克鼓一邑。而晉師已老。亦棄鼓。而以鼓子歸。其何以啟封疆利社稷。為新君所倚重耶。乃思陸渾之戎。地偏周畿而貳於楚。謀以詭道掩其不備而滅之。亦無聊之極事耳。由是仍使荀吳帥師。以祝史先。陸渾之戎。信為晉之有事於雒。與三塗也。不備。師從之。而遂滅戎。陸渾子奔楚。其眾奔周。周亦大獲。彼帥師赴非。苟吳以視前之圖。鼓克。鼓有叛弗納。有降不受。胡為判若兩人哉。大晉用欺以滅一陸渾之戎。則凡中夏諸侯。必將畏晉。如鬼。魑避晉。師如水。火。

嗟乎晉之霸業盡隳其終無能為也已

冬有星孛于大辰

晉見公羊曰孛者何彗星也孔疏彗為孛也言其狀似掃帚光芒字孛然妖變之星非常所有故書之又公羊曰其言於大辰何在大辰也大辰者何大火也大火為大辰伐為大辰北辰亦為大辰注大火心星也伐為參星大火與伐所以示民時早晚天下所取正故謂之大辰北辰北極天之中也常居其所迷惑不知東西者須視北辰以別心伐所在故曰亦亦者兩相須之意按心為大火伐為參星雖皆稱大辰惟心居東方七宿之中以季春三月昏時出及季秋九月納兼生成之時故北方農民皆獨呼心星為辰星參不與焉又按心為大火以九月納則昏時不可得見而此於昭之十七年冬書有星孛於大辰非昏見乃旦見也月令孟冬旦七星中中為南方之午位於時火星偪

卯位而將見仲冬旦軫中則火星已出於東方而當卯位矣季冬旦氐中其火星但隔房一宿而近氐同在午位獨未可言中耳經本言火之旦見而傳誤為火之昏見則不得不以經文書冬而不著月者竟作夏時之秋七月觀矣然周之紀年以十一月為首豈嘗改夏之四時十二月以秦從來太史所守之典法哉至魯申湏之辨孛星以在大辰而料諸侯之有大災梓慎復以四國實之而及宋之分野並溯陳鄭衛為太皞祝融顓頊之虛亦廓落無實際惟胡傳言大辰心也心為明堂天子之象其前星太子後星庶子孛星加心象天子適庶將分爭也後五年景王崩王室亂劉子單子立王猛尹氏召伯立子朝歷數載而後定天之示人顯矣此說較明切而亦不可泥看余氏光曰星之有名或以其形或以其位或以其事或以其人星本無名名因象立上別三垣下分列宿所以定天體紀日曜初無預於占驗也故不言事應而事應具存焉春秋時始以辰為商星參為晉星龍為宋鄭之星鶉火為周分而分野

之說。因之以起。循至戰國。游談之士。附為惑世之言。凡占休咎。類主星名。殊不知名星之次。雜出無倫。而事變無窮。亦非星名所能盡紀。其說有不可通者。而率以私智推求。偶有神合。遂謂天常是。先王敬授人時之實理。反為術家之所晦矣。故彗孛之流。氛祲之大者。其為咎微明矣。而王室嫡庶分爭。在五年之後。乃其偶合者耳。豈專屬加心之哉。

楚人及吳戰于長岸

管見長岸杜注楚地今江南太平府當塗縣西南三十里有西梁山與東梁山夾江相對如門之闕亦曰天門山鄒國志東梁山一名蛾眉山春秋楚獲吳乘舟餘皇處也左傳吳伐楚楚令尹陽句卜戰不吉司馬子魚曰我得上流何故不吉且楚故司馬令龜我請改卜令曰鮒也以其屬死之楚師繼之尚大敗之吉戰於長岸子魚先死楚師繼

之大敗吳師。獲其乘舟餘皇。使隨人與後至者守之。環而
塹之。及泉。盈其隧。炭陳以待命。吳公子光請於其衆曰。喪
先王之乘舟。豈惟光之罪。衆亦有焉。請藉取之。以救死。衆
許之。使長鬣者三人潛伏於舟側。曰。我呼餘皇。則對。師夜
從之。三呼皆迭對。楚人從而殺之。楚師亂。吳人大敗之。取
餘皇以歸。按傳稱吳伐楚。則楚為應兵。而經文之書此戰。
特先楚人者。以楚之司馬子魚。因令尹陽句卜戰。不吉。而
改卜。以死自期。固實志乎此戰。而惟恐其失。吳乃獨泝汲
以。及之也。至其戰於長岸。子魚先死。楚師從之。遂大敗吳
師。而獲其乘舟餘皇。亦不得書吳師敗績者。司馬子魚以
貪功而效死。率屬故大敗吳師。吳喪先王之乘舟。公子光
畏罪。亦亟藉衆以救死。乃使人夜伏舟側。聞呼餘皇。即應
之。以惑楚師。吳師因其亂而夜伐之。亦大敗楚師。取其乘
舟餘皇以歸。是吳將號稱轉敗為功。而楚之敗。吳乃盡喪
其功也。故但得書楚人及吳戰於長岸而已。其人楚者。左
楚子去疾之用師。惟殘民以逞下。可以為咎。並斥楚司馬

子魚之帥師徒奮負不
顧亦不可以為將也

十有八年

春

王三月曹伯須卒

〔管見〕昭之十四年三月曹伯滕卒。秋莖曹武公十五年為
曹伯湏之元年至此十八年三月曹伯湏卒在位纔及四
年立悼
公午。

夏五月壬午宋衛陳鄭災

〔管見〕災字从火故春秋書火皆曰災如宣公十六年獨書
成周宣榭火乃正是災字注脚又凡春秋之書魯災必具

言
月。日。觀前之桓十四年。書。八月。壬申。御廩災。僖二年。書。五
月。乙巳。西宮災。成三年。書。二月。甲子。新宮災。及後之定二
年。書。五月。壬辰。雉門及兩觀災。哀三年。書。五月。辛卯。桓官
僖宮災。四年。書。六月。辛丑。亳社災。其例一也。若他國有災
而魯書之。初見莊之十二年。夏。齊大災。書。時。無。月。日。再見
襄之九年。春。宋災。亦書。時。無。月。日。其。月。日。具者。惟襄之三
十年。書。五月。甲午。宋災。宋伯姬卒。以伯姬死於火。其卒之
月。日。即是其災之月。日。有。不。得。獨。以。時。書。者。若昭之九年。
書。夏。四月。陳災。則雖以月。繫。時。而。又。何。省。不。畧。其。日。哉。至
此。昭十八年。復從詳。而書。夏。五月。壬午。宋衛陳鄭災。孔疏。
公羊傳曰。異其同日而俱災。為天下記異也。穀梁亦云。其
志以同日也。據此。則二傳並主同日立說。已得正旨。至左
氏之於宋衛陳鄭災。獨著鄭子產之救火。值倉遽時。而損
揮得法。是特其餘義耳。他若術家之有禪寔。與魯申須梓
慎等者。或因災而務多言。以倖其中。在子產。
既以天道遠。人道邇。抑之。更何待深論也耶。

六月邾人入郕

管見邾杜注。瑯琊開陽縣。水經注。開陽在祊之東南。沂水逕其南。故邾國也。今山東兗州府沂州北十五里有開陽城。其考據亦詳。但按此年六月。邾人入郕。明年春。宋公伐邾。左傳作一串。看與經文有合。當從之。則於杜注不得泥矣。若使邾國必在沂州境。是界於莒魯齊之交。非宋所能屬。胡以邾入郕。而宋遂伐邾耶。蓋邾為姁姓。國最小。久附於宋。其地當在宋之東。鄙北與邾相直。其值此年六月。而邾人忽入郕者。傳言邾人藉邾之租。則或以畜牧游獵之陳。於禁防。故至此。而邾人遂率衆襲邾。直抵城下。奪其門而入。盡俘以歸。此未聞執邾子也。夫何至並及邾夫人與其女。有如傳所云哉。於時宋公惡其陵暴我與國。使為之搖蕩。乃即於明年春。自將伐邾。此為邾而亦。而也。又豈因邾於向氏為姻親。而徇向寧之請。亦如傳所云哉。及宋公來伐邾。人不敢抗。乃使言盡歸邾俘以請盟。且

以知人徐人同焉其盟意殆自矢於終不犯鄰何況宋乎以故宋公許之與之同盟於蟲而還此屬伐邾之終事乃傳之得其實者

秋葬曹平公

冬許遷于白羽

管見前成公十五年冬十一月許遷於葉是為自許遷也至昭公九年春許遷於夷則為自葉而遷矣今值昭之十八年冬許遷於白羽夫非即為自夷以遷者與惟昭之十三年傳謂楚之滅蔡也靈王以許之在夷者與胡沈道房申皆遷於荆焉平王即位既封陳蔡而亦以許復歸於葉故今之遷於白羽傳亦稱楚之左尹王子勝曰葉在楚國方城外之蔽也不宜使許更久有葉乃遷之於白羽此實指為自葉遷矣按之殊不確蓋謂許遷者三雖分見必

相。朕。屬。豈。還。夷。之。後。楚。靈。更。還。之。於。荆。楚。平。復。歸。之。於。葉。而。經。乃。不。書。耶。然。則。舍。傳。從。經。直。謂。許。為。自。夷。而。還。於。白。羽。可。矣。夷。一。名。城。父。在。今。江。南。鳳。陽。府。毫。州。本。陳。地。昭。八。年。楚。靈。滅。陳。乃。奪。許。之。葉。而。還。諸。夷。夷。與。州。來。之。在。今。壽。州。下。蔡。者。接。壤。當。昭。十。三。年。吳。滅。州。來。楚。平。初。立。慮。許。之。亦。為。吳。所。滅。並。得。取。許。還。之。陳。地。而。有。之。是。實。為。楚。辱。而。許。不。可。不。亟。還。矣。會。昭。十。五。年。吳。子。夷。末。卒。立。其。子。僚。楚。以。是。而。還。許。之。意。稍。紓。及。昨。昭。十。七。年。僚。立。終。二。年。耳。而。吳。乃。伐。楚。楚。人。及。吳。戰。於。長。岸。楚。先。大。敗。吳。吳。亦。旋。大。敗。楚。師。不。競。乃。即。謀。以。此。十。八。年。冬。還。許。於。白。羽。仍。令。前。許。還。之。夷。歸。於。陳。使。慎。固。其。封。守。以。捍。吳。也。其。還。許。於。白。羽。而。許。卒。不。得。還。還。於。葉。者。此。則。必。由。楚。左。尹。王。子。勝。之。爭。之。有。如。傳。所。云。矣。白。羽。地。關。即。傳。稱。還。許。於。析。實。為。白。羽。而。析。之。名。亦。不。詳。所。在。嘗。竊。求。其。合。者。初。許。之。還。葉。即。今。河。南。之。葉。縣。屬。南。陽。府。府。西。南。二。百。四。十。里。有。浙。川。縣。漢。稱。浙。縣。浙。一。作。泚。正。字。通。泚。俗。浙。字。又。同。析。是。則。析。之。必。

為浙川有可據以自信者。致浙川有小河通舟楫。先由旱路至襄陽光化縣小江口。下船經一百二十里至浙川縣。縣名蓋取諸水也。更經十五里為幙幃四邊皆山。更四十里為胡村。起早可達陝西西安府之商州。及陝西省城其地蓋為楚北鄙之僻險磽瘠者。以處許無所惜焉。

十有九年

春

宋公伐邾

管見左傳云。邾夫人。向戌之女也。故向寧請師。二月。宋公伐邾。圍蟲。三月。取之。按。明年冬十月。宋華亥向寧華定出奔陳。傳又云。宋公無信多私。而惡華向。華定華亥與向寧謀曰。亡。愈於死。先諸華亥。遂偽有疾。誘致問疾之公子四。

公孫二目執而殺之。向寧同其謀。夫非向戌之子哉。從可知宋公之惡華向。在向氏必首向寧所由來。固已久矣。當去年夏六月，邾人入郕，雖以郕為向氏之姻親，被其陵暴，宋公不得已而許其請師可也。何待宋公之自將以伐邾乎。且春秋但書伐邾而止，以為邾人懼而請盟，亦猶恐不得所請，更引邾與徐之鄰國以共成之。宋公遂許與邾人及邾人徐人同盟於蟲。邾人亦必與焉。於是罷師，此則事之所應有耳。若謂伐邾之役，宋公以二月圍蟲，三月取之，是獨就上「春」字，揣合為辭也。至求之宋公伐邾四字，其言下之意，所包孕者，只當有同盟於蟲一層，不當更夾入圍蟲而取之。

作兩層說。

夏五月戊辰許世子止弑其君買

管見按春秋書許世子止弑其君買，只如左傳所示，飲太子止之藥而卒，則已。若殺梁傳之以不當藥為止罪，豈其

所進之藥固不可嘗耶。使其可嘗。嘗之。遂不得為弑其君耶。是殆不然。竊見有病者而飲之藥。當補而瀉。當瀉而補。當寒而熱。當熱而寒。皆足以殺人。醫亦每有誤用。惟許世子之於君。買則有意。以投之。故買之飲藥而卒。初無顯中。燭毒之跡。而止之。進藥而致其卒。則固陰懷挺兵刀之情也。是可決許世子止。實為弑其君買矣。惟止為不仁而多詐。既託於不知藥。以弑其君。君弑。乃復為說言。以欺人。稱我與夫弑君。謂其迹疑於弑君也。夫非止之心。誠有虧而不覺。自吐其情乎。又聯稱。不立乎其位。以與其弟。然政許之世次。悼公買以後。絕不聞其有許男。虺者。則買卒而虺未立。可知矣。於是乃更為說行。以欺人。初欲奔晉。是將去許而終於晉也。在許人。必有私止。而固阻之者。不果奔。又隨欲哭泣。歡飭粥。道不容粒以死。是不奔晉而仍不願苟活於許也。在許人。亦必有私止。而強食之者。不果死。或奔或死。傳聞異辭。而左氏直指其奔晉。數梁氏直指其不逾年而死。始皆亂於許世子之說。言說行。遂不免也。

所欺耳。但許世子未始奔晉。亦未始不踰年而死。則許人之私於止而固阻其欲奔。並強食其欲死者。寧不羣舉止而立為居喪之君。即得主其冬之楚。悼公與若然。則明年當為許男止之元年矣。乃此後至定公六年正月。春秋書鄭游速帥師滅許。以許男斯歸。謂是為世子止之弟。而又非其先所欲立之弟。然則世子止之初立。即更其名為斯也。名更則不得正斥為世子止。故或以為立者屬許男斯。世子止早奔晉矣。又或以為立者屬許男斯。世子止已不踰年而死矣。彼止之用詐。所以欺盡許人者。不尤期於欺盡天下及後世之人哉。前楚之公子圍弑其君麇而自立。更名虔。公子棄疾使弑其君虔於乾谿。偽立比而放殺之。遂自立。亦更名居。特以凡弑君者名在諸侯之策。久而不滅。乃更名以自匿。得謂前之弑君非由我也。云爾。至許世子止之久服於楚。而因以效尤。其居心更詭。殆自度已之弑君。以為悞於藥。猶可掩也。至於卒不能奔。亦不能死。而居然立乎其位。則不可掩也。緣是更名曰斯。以世子月

弟之稱而自文焉。獨使許人知之而已。然亂賊之必誅。何能逃春秋之斧鉞哉。前昭之元年。會虢。書楚公子圍。及弑康自立。至昭十一年。誘殺蔡侯般。則書楚子虔也。又昭十一年。與十三年。書楚公子棄疾。及使弑虔殺比而自立。至後昭二十六年卒。則書楚子居也。今昭之十九年。許弑其君買。書許世子止。其居位凡十九年。當定之六年。鄭游速帥師滅許。以其君歸。則書許男斯也。合而觀之。國與虔棄疾與居。止與斯。皆亂賊之一人。而兩名者。不二視。而其人乃具見焉。

己卯地震

秋齊高發帥師伐莒

管見此年齊高發帥師伐莒。高氏閔曰。莒不事齊故也。是矣。所謂不事齊者如何。是時莒子為共公庚與。庚與先嘗。

出奔齊。當昭之十四年八月。莒子去疾卒。立其子刻。公狂使公子意恢輔之。是年冬。郊公惡公子鐸。鐸遂謀於莒大夫。蒲徐侯使殺公子意恢。以偪逐郊公。公子鐸乃逆庚與於齊。立之。齊使隰黨公子鉏送之。有田以賂齊。十六年春。齊侯窺晉業衰而有志爭霸。輒自將伐徐。而與其舍楚以從齊也。道必經莒。齊或微師。莒必應。即不然。而令莒以資糧。扉屨供給。齊師。莒亦德矣。自後二年。其間雖無齊役。而其索賂於所歸之莒。子庚與當未有已也。莒莫能堪之。而遂不事齊。於是齊怒。莒庚與之背德。不報。乃即以此年秋。使高駘帥師伐莒耳。觀此後又四年。其間當昭之二十二年春。齊侯復伐莒。是莒終不事齊也。當昭之二十三年秋。七月。莒子庚與來奔。是莒不事齊而齊亦不復比莒也。正可與此昭之十九年秋。齊高駘帥師伐莒。作一串看。至汪氏克寬之說。以今之伐莒合於前之伐徐。並為齊侯爭霸之事。似不盡確。

冬葬許悼公

管見執主葬許悼公。非即弑其君買之許世子止哉。偽為欲奔欲死而卒立為在喪之君。遂更其名曰斯。則明年改元以後皆共稱為許男斯。沒不知其前之實為許世子止矣。

二十年

春王正月

夏曹公孫會自鄆出奔宋

管見鄆杜注曹邑在今交州府曹州北。高氏閔曰會子臧之子。鄭子臧之采邑也。此以公穀為據是矣。惟會之自鄆出奔宋。舊無定論。竊按昭十四年三月曹伯武公滕卒。立子平公。頃在位終四年。旋復卒於昭十八年之三月。其子

悼公年立必幼稚不任為君雖以昨之昭十九年改元而此一年中亦必有懷改立長君之議以為社稷之福者且其時平公須有弟名通後當悼公立九年卒傳其弟聲公野聲公五年通報弑野而自立是為隱公則當平公卒而立悼公既葬改元雖莫敢曰小子同未在我請代之或勿敢曰曹之前公子以賢者若子臧為最今其子公孫會安不更有以利後嗣哉是言出曹之廷臣當默然而或以聞於公孫會會懼無措曰此何事乎我今之自處非惟曹君不敢干即所居大夫之位亦不敢守非惟曹國不敢與即所受世食之邑亦不敢有也遂自鄆而出奔宋此其潔身已亂國實慎守其父子臧之節者與昔襄公十三年曹君卒於師其庶子負芻居守報殺太子而自立十五年晉會諸侯於戚以討負芻乃執而歸於京師傳稱諸侯將見子臧於王而立之子臧曰前志有之聖達節次守節下失節為君非吾節也雖不能聖敢失節乎遂逃奔宋是

讀春秋管見

卷十二

昭公二十年

三十一

必春秋之所賢矣。而其前乃不書者。非闕也。欲以子臧與公孫會合。并稱之以著其濟美焉。國氏族有稽。此曹之公孫會。非即為曹子臧之賢嗣乎。志事相繼。此公孫會之自鄆出奔宋。非即為子臧自戚而逃奔宋之賢行乎。以後推前。有是父。乃有是子。其所以加之表揚者。於是為極盛矣。

秋盜殺衛侯之兄縶

管見據左傳所載殺衛侯之兄縶者。惟齊豹為主耳。其意以縶奪之司寇與鄆有役則反之。無則取之。乃與縶所惡之北宮喜。褚師圉。及通於襄夫人之公子朝。謀作亂。欲殺縶也。即又有宗魯者。由齊豹得事縶。縶用以駭乘。至是而豹以殺縶之情告宗魯。許其行事而不逃死。則縶之殺也。必矣。值茲昭二十一年秋。衛侯在平壽。縶有事於蒺藜之門外。齊子氏推於門外而伏甲焉。使祝壺寘戈於車薪以當門。使一乘從縶以出。使驂齊御縶。宗魯駭乘及門中。齊氏

用戈擊繫宗魯以背蔽之。斷脰。中繫之。有以死而繫。遂果殺其殺之者。初。非齊豹一人之力也。非一人而不可悉指。此春秋所由統目之。以盜與。至於繫以衛侯之兄而為不善。得罪於國。以致盜之殺之。春秋必書曰。盜殺衛侯之兄。繫豈於繫有所深恤哉。亦實謂衛侯當此。不能不重自危耳。更就傳以推。衛侯則亂自平壽。驅入閭門。及公宮。而惟盜之相偈。輒載寶以出。過齊氏。使乘車之華寅。肉袒執蓋以當其闕。齊氏射衛侯中。駟乘南楚之有。幸而得免。如死鳥以舍。此雖未至。出疆其能遽望入國門乎。當是之時。適有齊氏之宰渠子。召北宮子同叛。北宮氏之宰不與聞。謀殺渠子。遂伐齊氏滅之。公乃入。與北宮喜盟於彭水之上。尋賜之謚曰貞子。北宮喜本與齊豹同謀。亦盜也。盜可以盟。而並號以貞乎。惟難之方解。務輯人心。則衛侯之於喜。即舉後之貞。以蓋其前。即假宰之貞。以歸其主。有不敢深求者矣。若其他不得與盟。無所容於衛。而出奔晉。自公子朝褚師圖而外。又增子玉。霄子高。魴凡三人。然則衛之有

位其不從齊豹之亂黨。以為盜者。曾有幾哉。死鳥之奔。惟車中數人無異志。其宵從竄出。徒行從衛侯者。僅一析朱鉏。猶得賜之。諡曰成子。以特表之餘。則皆為盜焉。嗟乎。福匪倖邀。禍尤叵測。盜殺衛侯之兄。繫即難保。繫弟之為衛侯者。不為盜所殺也。其可不以此重自危哉。

冬十月宋華亥向寧華定出奔陳

管見此年夏傳稱宋元公惡華向二氏。華定華亥與向寧謀曰。亡愈於死。先諸華亥。偽有疾。以誘羣公子。公子問之。則執之。六月。殺公子寅。公子御戎。公子朱。公子固。公孫援。公孫丁。拘向勝。向行於其廩。公如華氏。請焉。弗許。遂劫公。取太子樂。與母弟辰。公子地。以為質。公亦取華亥之子無感。向寧之子羅。華定之子啟。與華氏盟。以為質。此年冬。傳又稱華向氏之亂。公子城。公孫忌。樂舍司馬彊。向宜。向鄭。楚建鄴甲。以避難出奔鄭。其徒與華氏戰於鬼閭。敗子城。

子咸適晉。宋公乃請於華費遂。將攻華氏。對曰。臣不敢愛死。無乃求去憂而滋長乎。公曰。余不忍其詢。十月。宋公殺華向氏之質子而攻之。宋華亥向寧華定出奔陳。按宋公之與其卿華向氏。至於因亂以盟而交質子。其於君臣之辨。不既茂如己哉。是時宋之附於元公者。稱公黨。附於華向氏者。稱華向氏之黨。然就傳求之。惟華亥及向寧華定所執殺之公子曰。公孫二。並因而出奔之。公子公孫各一謂之公黨。可也。其他則華向氏之黨焉耳。如華亥為華閔之子。華元之孫。世專宋政。而與向寧華定作亂。其族有華費遂為司馬。並有子華軀為少司馬。胡以漠然坐視。必待宋公之請而始攻華氏耶。至華亥等出奔陳。而費遂之子華登以黨於華向氏而亦奔吳。明年且請吳師以救華氏。敗宋師焉。不寧惟是。華軀之弟名多僚。譖於公曰。軀將納亡人。公告其父司馬將逐之。軀輒殺多僚。劫司馬以叛。而召亡人之在陳者入於宋之南里。則凡華氏之族。夫孰不加華定之黨。華亥也哉。若夫向寧為向戌之子。實佐執政。

讀春秋管見卷十二

二十三

華亥而陰與亂謀。則其黨華亥者。既與華定為一流矣。而
成有三子。向宜向鄭。固向寧之弟也。當宋之亂作。而遽相
從。以出奔鄭。將謂其避難而難似不足以及之。視於先之
向勝向行。於向族為較疎。華亥獨以拘於其廩。而不至與
公子公孫俱殺。殆亦以牽於向寧故然。豈華亥方引向寧
為腹心。乃視寧之親弟為敵。譬而殺之乎。然而不能已於
出奔鄭者。欲以為後圖也。蓋向寧之有弟。猶華亥之有兄。
亥之兄華恠。為宋少司寇。向寧憤其為質於公之子。公皆
殺之。乃以公之太子為質於華氏。者使華亥殺之。亥曰。于
君而出。又殺其子。其誰納我。且歸之有庸。乃謂其兄華恠
曰。子之齒長矣。不能事人。以太子與二公子歸於公。必免。
既入。華恠將自門行。公遽見之。執其手曰。余知而無罪也。
入復而所。仍為少司寇。如初。從可知華向之相依為黨。而
行不義。獨忍自斃而已。其家世可無所付托乎。華亥令屬
其兄。則向寧固先斃其弟矣。其使之不從亂而急出奔鄭
者。欲使之終無罪而得復歸宋也。卒之華恠不失官。而向

宜向鄭能守祧亦各成爲華向之黨已馬公黨云乎哉
若宋之分族樂舍並失系之司馬強與夫異國之楚是即
甲皆出奔鄭大抵主於脫身
苟免已馬可無俟深求也

十有一月辛卯蔡侯廬卒

二十有一年

春

王三月葬蔡平公

管見左傳三月葬蔡平公蔡太子朱失位位在卑杜注
在卑者不在適子之位也按太子朱爲適子既立爲在喪
之君又當踰年改元則其不在適子之位即失其君位矣
由蔡侯廬有庶長子東國欲逐太子朱而代之故此年冬

讀春秋管見

卷十二

昭公二十一年

二十四

蔡侯朱
出奔楚。

夏晉侯使士鞅來聘

〔管見〕此書晉侯使士鞅來聘當據左傳申言之。晉頃公既立五年。公未嘗朝晉侯。晉侯乃使重卿士鞅以通嗣君之禮來聘。欲致公之親報其聘以來朝於晉耳。從可知其冬之公如晉。即由之。當是之時。魯叔孫昭子舍先與季孫意如同受三命。為國政。蓋昭公欲因以殺季孫之專也。舍為意如所忌深矣。會茲士鞅來聘。季孫將使叔孫舍得罪於晉。乃令有司以齊鮑國歸費之禮。禮晉士鞅。當昭公之十四年。費宰南蒯叛。以費歸齊。南蒯家臣司徒老祁處癸。因費衆之欲叛南蒯者。劫南蒯而逐之。南蒯奔齊。齊侯不能。有費使鮑文子國反費於魯。魯禮鮑國。用七牢也。今禮晉侯所使來聘之士鞅亦如之。士鞅怒曰。鮑剛之位下。其國小。而使鞅從其牢禮。是卑敝邑也。將復諸寡君。魯人怒。加

四年馬為十一牢。此豈能得士，鞅釋然而不有言以激，一怒晉侯哉？從可知其冬之公如晉至河，乃復亦即由之。

宋華亥向寧華定自陳入于宋南里以叛

管見 胡傳云：宋華亥向寧華定以去年冬十月出奔陳。至今年夏而復自陳入於南里以叛。凡書叛有入於戚者而不言衛有入於朝歌者而不言晉有入於蕭者而不言宋此獨言宋南里何也？戚與朝歌及蕭皆其所食私邑也。若南里則宋國城中之里名也。傳稱華氏居盧門南里以叛而宋城舊廊及桑林之門以守是華氏與宋分國而處矣。故其入其出皆以南里繫之宋。此深罪叛臣倡稱其君已甚之辭也。按此發明南里書宋之意極詳確。至於入宋南里以叛汪氏克寬曰：其書自陳陳亦有罪矣以奔亡之臣而能入國以為亂非陳助之兵力固未見其可也。是則不然。蓋華亥向寧華定之入宋南里由宋少司馬華貜躬率張句及臼任鄭翩之徒劫其父司馬華賁遂以召之則早

虛南里以待矣其所稱樂大心豐愆華姬之
樂諸橫直如逆之以入馬耳於陳何所賴乎

秋七月壬午朔日有食之

八月乙亥叔輒卒

管見叔輒為叔弓之子叔老之孫其弟為叔鞅鞅之子為
叔詣亦或以詣為輒子凡皆宣公母弟叔肸之後經但
以叔為氏與桓族之稱叔孫氏者有辨焉計叔氏之有叔老
事襄公以其二十二年七月辛酉卒叔弓繼之及襄之三
十年如宋楚宋共姬始見於經踰一年而襄公卒弓事昭
公其元年疆郛田二年如晉三年如滕楚滕成公五年敗
莒師於紛泉六年如楚八年如晉九年會楚子於陳十年
伐莒十一年如宋楚宋平公十三年圍費未嘗寧居至十
五年春二月癸酉公有事於武宮籥入叔弓卒去樂卒事
燕為其勤勞勝事而重加哀恤也叔弓子叔輒及叔鞅與

其孫叔熊雖行跡不聞而其憂公室之日替不欲阿黨於季孫氏者亦與叔孫氏之有昭子舍同昭公既為叔孫舍加之三命使為政復遜以叔氏之為叔輒者叔輒者叔謂者皆列在大夫謂是足為叔孫舍之與焉耳無何此二十一年秋八月乙亥叔輒卒又二十三年正月叔孫舍如晉癸丑叔輒卒又二十五年春叔孫舍如宋九月公孫於齊冬十月戊辰叔孫舍卒又二十九年公如晉次於乾侯夏四月庚子叔詣卒則昭公之孤危已極而季孫意如之狂悖益逞數梁傳載其言曰叔詣無病而卒是魯嘗無公也天命也非我之罪也何其無忌憚乃至此哉春秋於此年書叔輒卒回早恨於季孫意如之不死也矣

父蔡侯朱出奔楚

（管見）蔡侯朱出奔楚因蔡侯廬之弟東國為朱之叔父者以廬卒而立其子朱輒事遜朱而代之耳前楚宣滅蔡至

楚昭而復封蔡。是蔡之廢置固由楚矣。且楚昭所托之說
臣費無極性尤貪黷以得貨而進說於王。靡不聽者。其轉
移固甚易也。如茲蔡之立朱為蔡侯。父死子繼。豈得謂非
正乎。由無極取貨於東國。遂誣蔡侯朱為不用命於楚而
有二心。則又改稱兄終弟及為正。無不可者。蔡侯朱莫如
東國何。固當出奔以愬於楚。然不能如東國之早以貨入
機失。則路阻惡從。得見楚子而愬之哉。夫蔡久從楚。度其
滅而復封。特比於楚之縣公而已。當其出奔楚也。春秋以
其失國則名直書曰朱。宜矣。而猶必著其始封之國。爵冠
之以蔡侯焉。則何以故。致蔡之世次其編年者。於蔡侯廬
之終於八年。即接以蔡侯東國之元年。竟若不知其間固
有蔡侯朱矣。是非東國之逐朱而自立。欲滅其跡。遂以朱
之元年冒為己之元年乎。然朱以去年十一月在喪即位
及今年春而得改元。則既成君而繫蔡之國統也。故雖以
其冬出奔失位。而春秋特正其名曰蔡侯。既見朱之繼蔡
侯廬者。為最剛。彼廬弟東國之逐朱而自立者。其所負德

代之罪亦無所逃矣

公如晉至河乃復

傳見家氏鉅翁曰叔孫為政季氏惡諸晉士鞅怒其卑已故公為所卻蓋季氏外交強國大夫制其上也余氏光曰黃氏曰傳載晉有解虞之役故辭公晉豈無以待公乎季氏之強昭公之弱晉助其臣而不有其君久矣按二說實得

二十有二年

春齊侯伐莒

晉見十九年秋齊高發帥師伐莒以莒子庚與背齊納已之德而不事齊也傳得高發伐莒莒子奔莒已紀郭發使

陳無宇之子孫書伐之。初莒有婦人。莒子殺其夫。已為蔡婦。及老。託於紀鄆紡焉。以度紀鄆之城而藏之。及師至。則投諸外。或獻諸陳孫書。子占。子占使師夜縋而登。登者六十人。縋絕。師鼓譟。城上之人亦譟。莒子懼。啟西門而出。七月丙子。齊師入紀。紀鄆亦單稱紀。已而莒子庚與仍不事齊。傅得稱此二十二年春。二月甲子。齊北郭啟帥師伐莒。莒子將戰。苑羊牧之諫曰。齊帥賤。其求不多。不如下之。大國不可怒也。弗聽。敗齊師於壽餘。齊侯伐莒。莒子行成。司馬竈如莒泣盟。莒子如齊泣盟。盟於稷門之外。莒於是乎大惡其君。壽餘。莒地。當在安邱縣境。稷門。齊城門。

宋華亥向寧蒞定自宋南里出奔楚

管見。去年夏。宋華亥向寧蒞定。自陳入於南里。以叛宋。城舊廟及桑林之門而守之。其冬十月。華登以吳師救華氏。齊大夫烏枝鳴助鄭戍宋。宋尉邑大夫濮以師合齊師。先敗之於洧口。洧口在宋都東。獲吳二帥。及華登率吳之餘。

師以敗宋師。宋公欲出。漢止之。而猶復戰。從齊烏枝鳴。用劍之說。以齊致死力。華氏北。復即之。遂敗華氏於新里。新里。華氏所取邑也。十一月。宋公子城以晉師至。曹大夫翰。胡會。晉荀吳。齊苑何忌。衛公子朝。救宋。與華氏戰於宋地之赭邱。在今陳州西北境。大敗華氏。圍諸南里。華氏使華登如楚。乞師。華鮒以車徒犯圍出。送之。乃復入。及楚大夫蓬越帥師將逆華氏。太宰犯諫。以為釋君而臣。是助不。可。楚子曰。而告我。復既許之矣。今年春二月。楚蓬越使告於宋。其言似愛宋公。其實欲救華氏。宋距之以義。楚人患之。諸侯之成在舊。鄆桑林門者曰。若華氏知困而致死。楚取無功。而疾戰。非吾利也。不如出之。以為楚功。其亦無能為也。已。救宋而除其害。又何求。乃固請出之。宋人從之。於是宋華亥向寧華定及華鮒。華登。皇奄傷省。臧士平。乘楚蓬越之帥。師逆之。皆出奔楚。經文特舉其始亂者。餘畧之。胡傳云。宋華亥向寧華定皆必誅。不赦之。賊楚人釋君而臣。臣是助諸侯之成。怠於救患。固請逸賊。而宋又從之。則皆。

罪也。故晉荀吳齊苑何忌衛公子朝曹大夫並畧而不書。其曰自宋南里者。譏宋之縱釋有罪。其曰出奔楚者。譏楚之亢不衷以獎亂人也。程氏端學曰。三叛奔陳。又自陳入宋。據國以叛。復出奔楚。往來三年。出入自如。無能討之者。三叛之罪著矣。陳楚之惡明矣。宋公之為國亦可知矣。

大蒐于昌間

管見。昭公五年秋蒐於紅。凡田事春蒐不及冬狩之盛。入春秋以來。田繫於公者。皆曰狩。季孫氏以大夫專兵柄。輒用師以田。乃特取春蒐之義。名之曰蒐。亦啣以冬狩最盛之虛名。讓之公耳。田必於國。至昭之八年冬。而有築郎圃之役。欲加廣於其舊也。舊築者。仍名。郎其增築者。則加二名。為比。蒲為昌。間。蒲水草其密生為比。昌通菑。又蒲類之昌盛者。間猶人言中間謂其昌之隙處。以是為圃名。則直指其地。為汀萊所在。固宜為之。周防以畜獸。俾得數兵戎。

於田獵矣。郎國屬諸公。其郎國之增築。為以蒲昌間者。季
孫氏國私有用。以試大蒐也。季氏專將中軍。亦得兼統
叔孫仲孫氏所將之上下軍。軍以奮武衛。是宜作之。季孫
自作其中軍。稱蒐五年之蒐於紅。是已。季孫以中軍兼統
上下軍。而作之。是作三軍也。則稱大蒐十一年之大蒐於
比蒲。是已。及茲昭之二十二年。乃再書大蒐於昌間。豈歲
經一紀。季孫惟此兩大蒐乎。蓋習實為常者。春秋不悉書
其書之必有為也。禮記王制云。天子諸侯無事。則歲三田。
無事。謂無征伐出行喪凶之事。前之十一年五月甲申。襄
夫人歸氏薨。非所謂喪凶耶。君母在殯。而其國卿季孫意
如。乃以是月大蒐於比蒲。則其罪狀不可沒矣。今當二十
二年春。宋華亥向寧華定。自宋南里出奔楚。其先二年之
首禍於國。討而奔奔。而復遂致吳楚之衆以圖傾宋。於時
晉衛齊曹皆使其卿大夫會師救之。而魯與鄭若罔聞。知
彼鄭與宋鄰。以宋亂而中外擾攘。鄭獨慎固封守。以戒不
虞。猶有說也。魯無可藉口。而亦於宋難漠然且漫斥為國

無征伐之事。即於是春以大蒐於昌間。此心為何心乎。度其耀武伸威。圖陰謀。逼逐其君。以專魯國也。斯則其罪狀之尤不可沒者。與。

夏四月乙丑天王崩

晉見經於夏四月乙丑。但書天王崩。此常例也。則直謂景王之崩。仍不出其宮寢可矣。若傳稱王田於北山。以心疾崩於榮錡氏。杜注。河南鞏縣西有榮錡淵。今屬河南之河南府。是雖猶在周畿。亦當與後之稱皇。稱狄。泉者等視。此年六月。書劉子單子以王猛居於皇。是景王之子也。二十三年七月。書天王居於狄泉。是亦景王之子。而為王猛之母弟也。天子無出而所居在外。亦皆休其播越。必指地名。以貴之。豈景王之崩於榮錡氏。以出田而在道殂落。乃轉沒其北之名。而使後王不得舉以為戒哉。

六月叔鞅如京師葬景王

管見高氏曰。天子崩。天下諸侯莫不奔其喪。故七月而葬者。盡天下臣子之心。使遠近得會其葬也。今天子崩。諸侯無一奔喪者。昭公但使叔鞅往會之。又以三月而葬。是天子而用大夫之禮也。卓氏爾康曰。景王太子壽早夭。猛與句皆為母弟。子朝庶孽也。猛幼而貴。朝長而卑。王愛朝將立焉。不及而崩。子朝恃寵爭立。諸大臣不服。於是劉子單子欲附立子猛。尹氏召伯毛伯欲附立子朝。彼此相持。皆未即位。所以三月即葬。景王者。蓋劉單欲使王猛急成喪以行事也。按二說詳盡。

王室亂

管見劉氏敞曰。謂王室亂者。嫡庶並爭。亂在宗室者也。本不得言京師亂。成周亂。王城亂耳。高氏問曰。景王不能正

其家而致諸子之爭立。於是劉單立猛。尹氏立朝。遂以干戈相向。迭勝迭負。五年之間。國無定主。王室之亂。莫此為甚矣。黃氏仲炎曰。朝猛爭國。無主。乃亂也。書曰。密邇王室。詩曰。王室如燬。王室之為言。猶王家也。家氏鉉翁曰。子頽子帶之亂。不書。今而書。此聖人之特筆也。是時周有兩天子。其亂與頽帶異矣。戴氏溪曰。自入春秋以來。周室蓋三亂矣。其禍皆生於父子兄弟。嫡庶不明。惠王寵子頽。幾危世子。齊桓公盟世子於首止。而位定。襄王復寵帶。出居於鄭。晉文公納之。王室遂定。向微二霸。周室之亂。豈待敬王之時。然則春秋書王室亂。憫周室之微弱歟。桓文之不復有也。悲夫。按數說互相發明。須並錄之。

劉子單子以王猛居于皇

管見劉氏敬曰。稱王猛者何。未逾年。是以不可稱天。王而又不可。以諸侯例稱子也。汪氏克寬曰。傳注皆不明言王

猛為太子壽之母弟。然春秋於猛直稱王而不書立於朝則書立而稱王子於句則直稱天王則猛句與朝嫡庶之分明矣。嚴氏啟隆曰不曰王猛居於皇而曰別單以之者猛不能自立其出與入皆別單之功史家告實非聖人之貶文可知。儒者泥於以之一言而曰人而曰以能廢立之也。又曰挾天子令諸侯而專國柄者也。夫為人臣東忠孝之性出萬死以赴君父之難既奉王猛於王城又立敬王而逐亂賊卒以成功告文武之靈斯亦可以免於貶矣。而以以之一字疑聖人之情豈春秋之功罪若是其倒置乎哉。是不可以不辨。案纂案凡書以者美惡存乎其事劉單之以猛為正尹名之以朝則罪矣。若劉氏敬以劉單為專而胡傳因之陳氏傳良亦謂以非順辭皆謬也。當從嚴氏啟隆之說實千古定論也。至此外猶有當附辨者。如經文先劉子而後及單子則劉子當仍是劉獻公摯也。而傳於此年四月乙丑稱景王崩越三日為戊辰即聯稱劉子摯卒摯無適子單子立其庶子劉衞五月庚辰見王是劉

子為新遷為後進。且由單子穆公旗立之。及劉子見王而遂以居單子之上。彼周卿之班位何至。後先凌躐。乃爾哉。又如六月之葬景王。必立王子猛為喪主。被舉即位之禮以正其為君。故雖當葬時而猶名之曰猛。亦必因其已為在喪之君而曰王猛也。方其未葬。景王之殯在王城。則王猛之處喪次為之主。其依殯而在王城。並可知矣。及其以六月葬。御柩出宮。離王城。至於壙。既窆而歸虞。而庶孽王子朝乃於景王崩之後。凡三月中陰謀篡代。假尹氏及召伯。毛伯以植其黨焉。又朝私有食邑曰郊。其大殆可耦國多藏甲。遂乘六月之葬。景王而作亂。自帥其郊之甲力拒王猛。使不得自葬。所以入於王城。此劉子單子所由以王猛居於皇與。皇杜注。河南鞏縣西南有黃亭。後漢志。湟水即皇也。水經注。洛水合於谿泉。又東濁水注之。即湟水也。京相璠曰。黃亭在訾城北三里。今屬河南之河南府。

秋劉子單子以王猛入于王城

管見此年夏六月，莒景王王室亂。劉子單子以王猛居於皇。是時之，王子朝胡獨據郊，自保，初不即謀入於王城也哉。今就傳之合於經者，舉其大端，其使王子處守於王城，而以王師屬之司徒醜犛、劉子單子之將莒景王而思豫防。王子朝之亂者，有如此。及莒畢而亂興，猶是夏也。劉子單子初不沒懼其亂，而以王猛居於皇，是當避之，豈敢定其居乎？俄而秋矣，劉子單子旋急，乘其亂而以王猛入於王城，是當趨之，豈嘗阻其入乎？此在王猛無能為一，皆劉子單子之一心并力為之夾輔其左右也。若傳言居皇之日，告急於晉，及冬十月而晉使籍談荀躒帥九州之戎及焦瑕溫原之師以納王於王城，竟不知春秋扶已書冬十月王。子猛卒，彼所謂納王於王城者，更從何處得王而納之耶。

冬十月王子猛卒

管見前之居於皇入於王城獨而不生猛者明乎猛之已立為王也若王子朝之未立為王一不得單用王字而稱王朝矣至於王子之已立為王或未及踰年改元而遂歿則猶在先王新陟未盡之年未嘗得代先王也特以王子終耳故王猛之卒復以王子稱焉蓋春秋之例凡王之既經踰年改元者生稱天王歿亦稱天王其歿不書卒而書崩書天王崩則必諱其名凡王之未及踰年改元者生得稱王歿仍稱王子其歿不書崩而書卒書王子卒則不必諱其名皆可按經文推觀而互證之者

十有二月癸酉朔日有食之

二十有三年

春王正月叔孫婁如晉

管見前之二十一年夏晉侯使士鞅來聘冬公如晉欲觀報其聘也晉因士鞅之怒魯輕己以輕晉語晉侯使郤公公至河而復及此二十三年春公復命叔孫舍如晉蒞不敗不卒報晉聘而以叔孫舍悔罪於晉侯即得為晉卿士鞅紓其怒耳若傳稱邾人城翼還過魯武城武城人禦之遂取其師獲邾徐鉏邱弱茅地三大夫邾人怨於晉晉以為討因是而叔孫舍如晉殆未必然計昨之二十二年夏四月乙丑天王崩太子母弟猛立及以六月薨景王而王室亂由庶尊王子朝有篡代之謀即秉莖時帥甲以拒所立之王猛劉子單子以王猛居於望避其亂也秋劉子單子以王猛入於王城亂庶幾其稍定矣豈嘗得晉之力哉無何冬十月王子猛卒更立猛之母弟匄為王當不得稱永錫祚允也又值十有二月癸酉朔日有食之天事恒象不允滋術家之妄議與從可知今年春正月王子朝之據郊自大其亂復熾勢將烈烈莫可遏矣晉人乃不殺已而有圍郊之役亦未聞其能克則獨以無若郊何報引師以

還而止。夫晉之素稱霸國，密邇周畿，其於王室之亂，前則親望，後則退沮，猶如此。彼邾人之來愬，特以魯鄙邑之寇攘為辭，而謂晉能以討懼魯，魯亦以畏討而使叔孫舍如晉，有是事哉。

癸丑叔鞅卒

管見叔鞅為叔弓之子，叔鞅之弟，皆有強公室之心，與叔孫氏之叔孫舍同。值二十一年八月己亥，叔鞅卒。復值此二十三年春正月癸丑，叔鞅卒。其間但隔一年，春秋書之，益深閔叔氏之不幸，亦重惜叔孫舍之無與也夫。

晉人執我行人叔孫婼

管見上書叔孫舍如晉，則舍之被執，即直書晉人執叔孫舍可矣。而必曰我行人者，彼其父叔孫豹嘗曰：叔出季處，有自来矣。則叔孫氏之世為行人可知。及茲叔孫舍如晉，而晉人執之，不特尋公命而執，職乎？而春秋則曰是乃

我。晉之行人也。其意益深嘉之。觀於前成公十六年九月
書。晉人執季孫行父。舍之于莒邱。此昭公十三年八月書
晉人執季孫意如以歸。皆不書我大夫。則是晉之執季孫
行父。執季孫意如。俱無足惜。至其執我行人叔孫舍。固當
惜之。而又不惟此也。凡我行人之不得公命以無忝厥職
正。因被執於晉。而有所表見。則並深嘉之矣。蓋叔孫舍能
持正。論不為阿諛。雖重加以屈辱。而愈挺挺度當其如晉
而見晉侯。非獨不悔罪也。方自明其無罪。則非獨不能紓
士鞅之怒也。乃更以增士鞅之怒。晉六卿彊而奢傲。習實
為常。公室卑。雖晉侯亦聽其所為。不能以異我行。人叔孫
舍其得免於執乎。且昭公以十五年使叔孫舍為政。固心
惡季孫意如之專。而思以叔孫舍牽制之也。意如忌其妨
己。故先於士鞅來聘。使之以牢禮無加。得罪於晉。今乃復
假公命。使奉其先世之兼職。以如晉。知其慙直。敢言必有
激怒於晉之君卿而執之者。已而果為晉人所執。夫非季
孫意如之早有以陷之耶。然初之如晉。叔孫舍不辭。及如

晉而晉人執之叔孫舍亦不撓此春秋所由特稱我行人也與

晉人圍郊

皆見郊子朝邑晉之國郊以討亂也夫王室之亂始於去年六月之葬景王其先所立之王猛因其夏阻亂而居於皇劉子單子以之及其秋乘亂而入於王城亦劉子單子以之值冬十月王子猛卒繼立敬王勾又以今年春正月改元矣而晉乃因是時有事於圍郊以討亂是可謂之勤王乎不可謂勤王則無王晉侯為王之封諸侯晉卿為王之命卿莫非王臣而無王若此則統制其爵而人之以為皆不臣焉可矣至於傳稱正月壬寅朔二師圍郊癸卯郊鄆潰丁未晉師在平陰王師在澤邑王使告閒庚戌還就經文核之但書晉人圍郊安見其有王師為二師乎所圍者一郊而已而又兼及鄆何所據乎且云郊與鄆俱潰則克之矣其書圍而不書克豈謂潰之非克而從畧乎他若

告聞之。聞者謂子朝敗而晉師可休也。晉師未疲。奚侯王之。告聞乎。度其國如而未克。在晉人之無王而不臣。方當以未克而自還矣。詎復待王之。告聞而始還乎。聊記所疑以質知者。

夏六月蔡侯東國卒于楚

管見昭公二十一年冬書蔡侯朱出奔楚。是為其叔父東國逐之也。計蔡之滅而得復。由楚子去疾之易名居者。復之。則東國之逐朱自立。朱必慙之於楚子。此所由以出奔楚也。然楚子寵任費無極。無極取貨於東國。俾得逐朱而自立為蔡侯。則蔡侯之至楚。必為無極所過抑。何從得見楚子而慙之哉。居楚踰一年。及此二十三年之夏六月。蔡侯東國朝楚。而忽卒于楚。豈無疾而然。耶抑暴病之不可救耶。為之揣其情事。蔡侯朱之出奔。不得慙。東國於楚。乃謀殺東國於楚也。於是厚結一勇士。潛居其鄙以待。及東國自蔡入楚。報要而殺之。蔡侯東國以是卒。其賊逸無從

究詰言者疑為蔡侯朱出奔在楚必思反其逐已自立之
讐而為是謀也而亦無顯白之跡故春秋亦但書曰蔡侯
東國卒于楚然前書蔡侯朱出奔楚不言其出奔之故此
復書蔡侯東國卒于楚亦不言其卒之故正可互參而得
之觀於朱曰蔡侯朱東國亦曰蔡侯東國已明明具有不
容兩立之勢可知東國必逐朱朱亦必殺東國矣更由朱
之出奔及東國之卒皆在於楚推之非東國之逐朱朱何
以出奔楚非朱之居楚而謀東國東國又何以卒于楚哉
是則經文之微而顯婉而辨每有若斯
之一披一此時隔而事通者不得泥看

秋七月莒子庚輿來奔

〔晉見〕此庚輿為莒子去疾之弟先嘗出奔在齊至昭公十
四年秋八月莒子去疾卒立其子郊公狂以公子意恢輔
之是年冬公子鐸使蒲餘侯殺公子意恢遂自逆庚輿于
齊齊使送之既立齊人以為有德於莒子索報無厭莒子

伐。不應。故當昭十九年秋齊高發帥師伐莒及昭二十二年春齊侯復親伐莒皆憤其背德不取是則莒與齊絕矣且其國人皆患莒子之虐有譏然斥其請劍必試諸人者衆洵洵欲叛於時莒大夫烏存其為人沉毅有力先嘗傾恤郊公不令出奔匿之於今既十年矣稔知莒與齊絕無大援又國人並懷叛志可乘是以出莒子庚與而復郊公狂也乃及此昭之二十三年秋七月帥國人以逐莒子庚與庚與將出聞烏存執父於道左懼非劍之所能禦將止死烏存之徒為苑羊牧之謂其不害趣使過之莒子庚與遂來奔莒苑羊牧之益從之出境而潛反與烏存共復郊公狂耳郊公前未嘗出奔今亦不由他國納入故春秋但書秋七月莒子庚與來奔而莒之已無事已有君可於言下會之。

戊辰吳敗頓胡沈蔡陳許之師于雞父胡

子髡沈子逞滅獲陳夏齧

管見左傳言吳伐州來。楚遣越帥師。及諸侯之師。奔命救州來。吳敗之於雞父。按前成公七年秋。初書吳入州來。猶曰。未能滅也。自成越襲。及昭之十三年冬十月。再書吳滅州來。則州來已為吳有矣。何以伐為。蓋州來本小國。非楚邑。而世服于楚。其地在今江南鳳陽府壽州之北三十里。嚴氏放隆曰。州來迤北則魯。迤南而西則楚矣。吳得州來。可以窺楚楚。控州來可以禦吳。故州來吳楚之扼吭也。當昭之十三年夏。楚公子比弑其君虔于乾谿。公子棄疾殺公子比而自立。是為平王。及冬而吳滅州來。傳言令尹子旗請伐吳。王弗許。曰。吾未撫民人。未事鬼神。未修守備。未定國家。而用民力。敗不可悔。州來在吳猶在楚耳。子姑待之。是楚之未能忘情于吳。而竟舍州來也。既閱十年。而值今昭之二十三年。忽徵師于頓胡沈蔡陳許。使之畢會楚師。以秋七月伐吳。是實有事于爭州來矣。豈誠見民力之

可用而卒得不悔其敗乎。然傳又言吳公子光白諸侯從于楚者衆而皆小國畏楚而不救已是以來。凡頓胡沈蔡陳許與楚同役而不同心可敗也。其料敵審矣。已而果于秋七月之戊辰敗頓胡沈蔡陳許之師于雞父。胡子兒沈子逞滅獲陳夏留雞父與州來異名其地亦在今江南。陽府壽州之西南六十里。距州來不遠。則此師之為吳所敗其為與楚爭州來者豈不誠然乎哉。胡傳云頓胡沈則其君自將蔡陳許則帥以大夫故先頓胡沈而後蔡陳許以別君臣之義也。此論為久。至其稱君死曰滅君生得曰獲。大夫生死皆曰獲。說本公羊。釋之者曰君生得曰獲如蔡晉戰于韓原獲晉侯是已。其于君死曰滅他固無以證之。又曰大夫生得曰獲如鄭宋戰于大棘獲宋華元是已。其于大夫死亦曰獲他復無以證之。惡可泥耶。大抵胡子兒沈子逞之書滅謂其從敗軍以歿不得辨。胡子沈子之猶為君耳。夫兵猶火也。火炎焞罔玉石俱焚。是為滅之意與若其獲陳夏留要只是執之以為俘囚而止。非既死而

戮其尸有如田事之必獻禽以供乾豆也。凡諸侯不生名死則名之。故胡子旣沈子逞之既死亦與陳夏留之生得名者同焉。又凡軍之敗君重于帥帥重于士。書胡子旣沈子逞滅重君也。即聯書獲陳夏留重帥也。彼士之沈于君與帥而因以滅且獲者尚可言哉。嗟乎此一敗也頓胡沈自將之君惟頓子幸免于滅蔡陳許帥師之大夫惟蔡許大夫幸免于獲當其收合餘燼以還師非全沒亦復所喪過半矣。夫孰非由楚之欲爭來州以伐吳而致此哉。而春秋但書吳敗頓胡沈蔡陳許之師于雞父。胡子旣沈子逞滅獲陳夏留絕無一字及于楚者。蓋楚師居後獨使六國之師為前驅耳。六國敗奔而楚師亦奔。汪氏克寬以為楚師未嘗與吳師相接。此于當時楚子之情事得實而經文之書法亦透出矣。

天王居于狄泉尹氏立王子朝

管見去年夏六月。楚景王而王室亂。亂于王子朝之因莖。以圖篡代也。於是王子猛之立為王。自莖所而阻于亂。劉子單子以王猛居于皇。及秋而劉子單子得以王猛入于王城。未幾而冬十月王子猛卒。立其母弟敬王勾。凡國即位而居于王城也。惟王子朝據郊自保。亂未定。至今年春正月。敬王改元。晉人始圍郊以討王子朝。其勤王不力。弗克而還。王子朝復于秋七月攻王城。以偁逐敬王。王遂去王城而居于狄泉。王子朝入焉。而尹氏立王子朝為王。春秋書此。敬王勾居于狄泉。似失其所。而特從尊號曰天王。以視前王猛之但稱王者。更有加焉。且王猛之已立為王而未踰年。則猶得稱名。若敬王之為天王。則不可以稱天王。勾矣。彼朝之為王子者。尚敢干天王乎。王子而必名為朝者。又敢以干不名之天王乎。且王子朝之卒成篡代。乃由尹氏立之。尹氏何所受命。而王子朝竟為其所立也。其書法之辨定。亦極嚴矣。若夫狄泉所在。杜註洛陽城內太倉西南池水也。時在城外。定元年城成。周乃饒之入於城。

內亦曰翟泉。在洛陽縣東故洛陽城中。今堙。蓋曲說耳。按僖公二十九年。會王人、晉人、宋人、齊人、陳人、蔡人、秦人、盟于翟泉。翟與狄雖通。而文自別。若狄泉。即是翟泉。春秋指其地名。凡兩見。乃或從通用之字。使其彼此互異。殆未必。然且此二十三年秋七月。天王居于狄泉。至二十六年冬十月。天王入于成周。其間閱四年。而有敬王為東王。子朝為西王之號。豈惟隔一王城。而得容二王之並峙哉。竊意此敬王之居狄泉。當與前王猛之居皇並。謂在今河南府之鞏縣。乃得水經注云。洛水過鞏縣東。明樂泉。注之水出南原下。三泉併發。故世謂之五道泉。即古明谿泉也。春秋昭公二十二年。師次于明谿者也。洛水又東逕鞏縣故城南。東周所居也。本周之畿內鞏伯國。昭公二十五年。傳稱尹文公涉于鞏。取東營。弗克。即於此也。洛水又東。濁水注之。即古湟水也。水出南原。京相璠曰。營城北三里有黃亭。即皇地之證。春秋劉子單子以王猛居于皇者。謂此也。洛水又東北。洞水發南谿。石泉世亦名之。為石泉也。京相璠

曰鞏東地名坎飲在洹水東疑卽此水也又逕盤谷臨東世又名之曰盤谷水司馬彪郡國志鞏有坎飲聚春秋僖公二十四年王出及坎飲服虔亦以爲鞏東邑名也然則鞏縣之境其以泉名地者有美又伊水合于洛經鞏縣入河僖公十一年傳稱王子帶召揚拒泉萃伊洛之戎同伐王城焚其東門戎即狄醜其中有以泉名者與其取伊洛二水以名無以異則其泉雖不可定指而亦必流入于鞏之境爲狄醜之戎所雜居斯見泉者亦見狄乃共目爲狄泉也與天王居于狄泉當復由劉子單子以之其不言以者意欲尊天王並借以譏劉子單子之無能爲不成夾輔之功使天王不免蒙塵直同于孤立焉爾若尹氏立王子朝其後之出奔楚也有召伯毛伯而此不並及豈其立王子朝者初不與於事乎蓋以助王子朝之亂而成之尹氏爲魁召伯毛伯爲從於擅立獨舉其魁於擁以出奔並舉其從亦可互見也

八月乙未地震

冬公如晉至河有疾乃復

〔晉見〕左傳云公為叔孫故如晉及河有疾而復此為得其
實者蓋昭公前以叔孫舍與季孫意如並加三命使為政
知舍之矢心公室欲用之以分意如之權其倚任者重矣
由此年春正月叔孫舍如晉晉人執之此季孫之所竊幸
正昭公之所深憂也必嘗使人請于晉以釋叔孫不得命
乃以其冬如晉而自請之比至河會公有疾度其力疾可
以至晉固不可以力疾見晉侯也於是乃復則亦事之適
然而莫如何者至公羊傳以為此言公有疾乃復殺恥也
汪氏克寬申之曰昭公是行本以請舍而中懼晉之不見
納故托疾而返春秋因其托疾而書之以免其不得至晉
之恥也殆
非定論

二十有四年

春

王二月丙戌仲孫貜卒

叔孫婁至自晉

帶見去年冬公如晉至河雖有疾而復晉以公為服卒也。且叔孫舍之在晉抗節不撓晉之諸大夫敬而憚之亦旋欲歸之矣。觀士彌牟逆舍於箕曰寡君以為盟主之故是以父子不腆敝邑之禮將致諸從者使彌牟逆吾子叔孫舍受禮而歸語見左傳。若前平邱之會晉人執季孫意如子復惠伯從至晉復因韓宣子用中行穆子之言使歸季孫惠伯嫌於逃命請從於會以免宣子患之語叔向曰子能歸季孫乎曰不能。鮒也能。乃使鮒見季孫曰昔鮒也得

言春秋卷之十一
罪於晉君，自歸於魯君。微武子之賜，則不至於今。敢不盡情歸子而不歸鮒也。聞諸吏，將館子於西河。其若之何？且泣。季孫懼，輒先逃歸。惠伯待禮，語並見左傳。夫季孫意如之與叔孫舍，皆魯所為加三命以為國政者也。乃意如之被執而得至自晉，出於逃歸。彼季孫氏之氣，繇炎，炎豈不蔑如也哉？至舍之亦被執而得至自晉，由於受禮而歸。此叔孫氏之風，標表表豈不偉然也哉？故春秋書意如至自晉，獨去其氏，書叔孫舍至自晉，獨存其氏。

夏五月乙未朔日有食之

秋八月大雩

丁酉杞伯郁釐卒

冬吳滅巢

「管見」巢為古巢伯國。溯自文公十二年，楚人圍巢，而巢乃服楚，非楚邑也。在今江南廬州府巢縣境。至昭公十四年，吳子夷末滅州來。州來在今鳳陽府之壽州，廬與鳳接壤。巢處州來之東，及夷末卒，子僚立，乃復以今昭公二十四年而滅巢也。按巢由吳子僚滅之，當亦吳公子光之所借以反其舅焉者。前襄公二十五年十二月，吳子迺伐楚，門於巢卒，以巢使牛臣隱於短牆而射之也。公子光為過之，子能無誓欲滅巢乎哉？然自襄而昭，於今越三十一年，光不能自滅巢而僚滅之，必深恨其先之未得立為吳子，莫由逞其志也。而其欲代僚之意益勃矣，以故此後四年，光得伍員所求之勇士鱄設諸遂，使弑其君僚，屬昭公之二十七年夏四月。

葬杞平公

二十有五年

春叔孫婁如宋

管見叔孫舍以去年二月至自晉。其於季孫意如必大相
觸忤。豈猶可與共為政哉。且季孫之專橫自恣。雖其君昭
公之在國。亦如寄耳。舍復何能不舍此而他適耶。因是而
謝職。閉閫。忍而終歲俟之。今年正月。朝服而朝。借以辭公。
退則去魯。以如宋。有終焉之志也。觀於夏有黃父之會。晉
卿趙鞅以晉侯命。徵諸侯之大夫。魯獨使叔詣往。而叔孫
舍不與。則其為如宋。不反可。知矣。至秋九月己亥。公孫於
齊。次於陽州。是魯君辱在草莽矣。自古君辱則臣死。惟叔
孫舍固真知之。而允蹈之。故自秋九月己亥。至於冬十月
戊辰。終三十日。而叔孫舍憤不欲生。惟恐苟延旦夕。遂自
殺也。其書卒者。嘉其舍生取義。與考終命。無以異云。

夏叔詣會晉趙鞅宋樂大心衛北宮喜鄭

游言曹人邾人滕人薛人小邾人于黃父

晉見按二十三年王室亂諸侯若不聞故王猛之居於皇
與入於王城惟兩稱劉子單子以之而已及王子猛卒敬
王立以二十四年改元晉人始圍郊以討子朝弗克而還
亂復熾於是天王居於狄泉而尹氏立王子朝則子朝據
有王城矣晉圍子朝於郊而弗克能復圍之於王城乎自
是觀望踰一年而及今之二十五年夏乃得叔詣會晉趙
鞅與宋樂大心衛北宮喜鄭游吉並曹人邾人滕人薛人
小邾人于黃父命以明年將納王趙氏鵬飛曰是時諸侯
之政類出于大夫大夫各謀弱公室以為其私志不在是
也實何補於王哉此論極允其猶有未盡者晉會諸侯之
大夫以謀王室而齊獨不至然則此條書法罪晉之不競
莫能勤恤王室者在言中罪齊之方張敢於背棄王室者
尤在不言中也須並推之

有鸛鵒來巢

管見正字通鸛鵒亦名八哥。負暄雜錄曰以南唐李主諱煜因改鸛鵒為八哥亦或有之矣。本草釋名云此鳥好浴水其睛瞿瞿然故名於其狀亦合。又集解言鸛鵒巢於鵒巢樹穴及人家屋脊中則皆得以巢稱不宜泥看爾雅翼鸛鵒似鵒而有幘飛輒成羣此書魯之鸛鵒來巢蓋因其成羣以來而訝之耳。周禮考工記謂鸛鵒不踰濟濟水在齊魯間魯不常有鸛鵒值茲昭之二十五年夏忽成羣來巢豈將臻其常性而欲踰濟耶。春秋亦與其鳥類之六鵒退飛過宋都者並書之特以記異云爾。至於因是以求事應傳說多有存而不論可也。

秋七月上辛大雩季辛又雩

管見秋七月上辛大雩上辛必在七月之旬以內所以禱上帝也其禱用天子之禮至於季辛又雩穀梁曰季者有

中之辭是則在七月之二句以外矣。豈可以此日禱上帝哉。其不稱大雩而但曰雩。則從諸侯之禮。以禱於社稷及封內山川耳。夫公之大雩又雩。必皆不出乎七月之上辛季辛者。何以故。公羊曰。是非雩也。將聚徒以逐季氏也。啖氏助以為雩。但禮官與女巫而已。何足以攻季氏乎。劉氏敝復疑於七月聚徒其攻之而不克。何至九月公乃出奔乎。是固然矣。但公之逐季氏者。起兵動衆。其謀允而舉事必早於此秋七月。不能以已。故因旱而上辛大雩。季辛又雩。持借名也。殆將以其偏於強家而誓不兩立者。然禱於上帝。以希眷佑。並默禱於社稷及封內山川。以資翊輔也。夫若正指為昭公之憂旱恤民。乃不免於黜祀。轉恐未確。

九月己亥公孫于齊次于陽州

管見據左傳所載公以憤於季孫意如而聚徒以攻諸其室入之意。如登臺其臺之為備。蓋先具有守衛以為倉卒。

藏身之固者國之弗能克。又有仲孫氏何忌及叔孫氏之司馬融戾皆為之援。遂公徒公與叔孫昭伯如墓謀遂行。春秋書九月己亥公孫于齊。稱孫諱奔也。即聯書次于陽州。次止也。以待齊命。陽州杜註齊魯境上邑。今山東兗州府東平州東北有陽州城是也。案襄二十一年齊問邱嬰伐陽州杜註魯地。定八年公侵齊門于陽州。蓋陽州本屬魯而後為齊有也。

齊侯唁公于野井

晉見野井杜註濟南祝阿縣東有野井亭。今在齊河縣東。齊河北岸。胡傳唁者弔也。生事曰唁死事曰弔。家氏鉉翁曰。書齊侯唁者再非與其能唁也。議其無救災恤患之責也。徒行虛禮而誠不在焉。杜氏公輔曰。齊侯唁公于野井以唁為名。拒公之適已也。昭公微弱季氏威強迫脅而出。欲求救援以齊大國之力攻季氏至易也。為君而伐臣至。

順也。齊景公不知為此野井之唁，豈而失國之懼乎？桓公而邑，按此年之十二月，齊侯取郕，明年三月，公至自齊，居于郕。齊取魯地，以處公，則其先之公次于陽州，與齊侯之唁公于野井者，皆為齊地。景公固不容以尺土假諸公矣。而左傳猶記其唁公之辭曰：「自昔驪以西，請致千社，以待君命。」寡人將帥散賦，以從執事，此何志哉？而徒以十二月之取郕處公畢，乃事焉。然則齊侯之無信，又豈待久而後信乎？以此證家氏任氏之說，益見其確。

冬十月戊辰叔孫婁卒

管見王氏荪曰：叔孫舍之卒，實為愛君憂國之至，因禱以自裁也。家氏鉉翁曰：繼公孫于齊而書言舍之為公死也。按二說最得春秋書卒之旨。蓋以叔孫舍之卒為自裁，則非神之應其祈而卒也。其義烈已見矣。至春秋書其卒而不地，由春之書叔孫舍如宋，以推則其卒于宋可知。公在魯而忽以秋九月己亥孫于齊，次于陽州，叔孫舍自宋聞。

言卷八 十一
之。不忍其君之辱。而以死誓。族于冬十月戊辰。因禱以自
裁。夫。非為公死乎。此其忠愛。又何以加焉。嗚乎。大夫死。曰。
卒。如叔孫舍者。是誠不愧其為大夫也。與。

十有一月己亥宋公佐卒于曲棘

管見宣二年鄭敗宋師于大棘。杜註大棘陳留襄邑縣今河南歸德府睢州曲棘里有棘城。此據以解敗宋之大棘似未審。而于宋公之卒于曲棘。其所在則有徵矣。宋公何以卒于曲棘。左傳謂此年十一月宋公為魯公故。如晉請納公。未出宋境。以己亥卒于曲棘。然求之經文。初不指言如晉。顧安得泥以為實乎。竊意此前之秋九月己亥。公孫于齊。次于陽州。齊侯猶親唁公于野井。則宋公之欲親往唁之。亦當不能已矣。然又未嘗指言如齊。唁公者何哉。蓋以今年春魯有執政之卿。叔孫舍如宋。為惡季孫意如之事。橫忌尅。誓不與同國也。未幾而秋九月季孫意如逐其

君已亥公孫于齊次于陽州魯臣之於季孫意如多助其惡無敢問其罪者叔孫舍自宋聞之憤不欲生遂於冬十月戊辰齊其志以告於神退則自殺宋公見其卒也亦迫欲從公以表其義烈之狀與其忠愛之忱於是以十一月命駕而出則匪直若齊侯之主于唁公而已無何宋公猶在宋境遂以月之已亥卒于曲棘故春秋書此其於宋公之道卒概不指其發軔趨塗之何為但使讀之者按前文之書公孫于齊及書叔孫舍之如宋而卒于宋者一通觀之而其所由來亦大白矣

十有二月齊侯取鄆

管見齊侯取鄆以處公也不言處公者明年公至自齊居于鄆此處公可知矣家氏鉉翁曰或謂嘉其取鄆故爵之此目其人以貶之爾奚其爵李氏廉曰唁之矣而不能為之討賊居之矣而不能為之復國齊侯之罪也

彙纂案

齊景不伐魯以納公而取郕以居公故春秋書以譏之胡
傳乃謂公已絕于魯而見逐於季氏為不君非經旨也其
論定矣

二十有六年

春王正月葬宋元公

三月公至自齊居于郕

管見去年九月齊侯唁公于野井野井在陽州北公益自
陽州以往就齊侯也齊侯歸則公仍次于陽州矣知此稱
公至自齊自齊之陽州云爾去年十二月齊侯取郕以處
公也陽州為齊地郕為魯地故陽州曰次而郕則稱居啖
氏助曰王者至尊雖在外皆曰居諸侯奔在境內亦曰居
皆言猶居其地但不得其所耳又胡傳云襄王已出而稱

居于狄泉。王未入而稱居于狄泉者。存天下之防也。天子之于天下。率土之濱。莫非其臣。非諸侯所敢擅。諸侯封國。四境之內。莫非其土。非大夫所得專。故諸侯雖舍以待巡。狩而大夫專邑。是謂叛君。曰居于鄆。其為防也至矣。按胡傳。較啖氏之說尤透闢。

夏公圍成

（常見）去年冬十二月。齊侯取鄆。以處公。彼季孫意如既逐公子魯。都曲阜。豈敢更禦齊侯。以拒公使。不容於魯。別邑之鄆乎。故齊侯之取鄆甚易。而公亦即以今年三月。自齊居於鄆也。由是齊侯自度。以為挾公而有討于魯。必肯出於大義。所至將與鄆同。無敢抗者。而遂侈然以納公為己任焉。是足知此年夏之圍成。雖自公請之。亦必出于齊侯之因取鄆而決之矣。成為仲孫氏之邑。方公之孫于齊也。由仲孫何忌殺郕昭伯而救季孫。遂敗公徒。則公之圍成。

固其憤所欲洩且成邑在今山東兗州府寧陽縣東北九
十里寧陽在府城北五十里距魯都之曲阜為近齊侯將
納公此非其道之扼要者乎但成非郭比固難必其圍成
之得如取郭耳計前襄公十五年齊侯靈公伐我北鄙圍
成公救成至遇季孫宿叔孫豹帥師城成郭是齊初未能
克成也十六年齊侯靈公復伐我北鄙圍成則自魯以先
年帥師城成郭而成之城益壯是齊亦卒未能克成也蓋
三家以季氏為強三家之私邑又以成為固觀此後之定
公十二年夏叔孫州仇帥師墮郕季孫斯仲孫何忌帥師
墮費其冬十月公圍成公至自國成固莫得與其郕費俱
墮也則成之不易克者審矣值此昭之二十六年夏齊侯
以公圍成而欲納公在魯之季孫意如急令成人閉城固
守作畏罪退匿之狀總以能戰而不戰者偽為不失其恭
順而已彼齊侯之環而攻之豈敢定居豈不日戒而成不
可以必克亦頓慮其曠日持久以老師也齊侯乃還故春
秋書此不及齊侯而但曰公圍成直若此圍成者本未嘗

有齊侯。又若此國成者。雖有齊侯亦只與公無以別焉耳。所以恥齊侯也。至若左傳所載謂齊侯欲納公以公國成而弗克。由于季孫意如行貨於齊。齊人受之。遂致齊魯之軍將聊為炊鼻之戰。其相搏如兒戲。然是殆憑空結撰。以意為之。非事實也。

秋公會齊侯莒子邾子杞伯盟于鄆陵

晉見此會齊侯莒子邾子杞伯盟于鄆陵。蓋公之志耳。以此年夏圍成弗克。欲圖再舉。乃仍倚齊侯為主。而復約莒子邾子杞伯以從於齊。惟不信。因重之以盟也。此在齊侯之心。豈不料國成弗克。必不能去季孫。以納公乎。且莒邾皆在魯南鄙。與季孫之費邑相鄰。魯之公弱而季孫強。亦已久矣。莒子邾子其肯并力于公。以與季孫為敵。讐哉。至杞伯之國微。又以二十四年秋杞伯郁釐卒。悼公成新立。則其無能為國大。概可知也。惟是公于七年春正月暨齊

平使叔孫舍如齊蒞盟。魯與齊之釋怨敦好。幾二十年。適常公孫于齊。次于陽州。既唁之於野井。旋為之取鄆以居公。且謀以此年夏圍成而遂納之。卒因弗克而還。齊侯亦當自謂其力盡矣。乃及其秋而公復為會以盟于郭陵。庸有濟乎。而齊侯猶不欲直辭以謝也。公欲會亦從之。會公欲因會而盟。亦從之。盟蓋皆不獲已而應之焉。爾觀于明年之自春而冬。兩書公如齊。公至自齊。居于鄆。又明年之春三月。則書公如晉。次于乾侯。彼齊之不足賴而郭陵之會為虛會。郭陵之會而盟為虛盟。不既昭然大白也哉。郭陵杜注地闕。按此以會而盟。本公之志。則當自鄆以往會齊侯而就之盟也。其郭陵必屬齊地。蓋與唁公之野井壤相接者。

公至自會居于鄆

九月庚申楚子居卒

一管見楚公子圉與楚公子棄疾皆弑君而自立之賊也。及即位而公子圉更名處。公子棄疾更名居。亦欲使天下後世攷楚君繼統之次。楚子棄之後即為處。無所謂圉。楚子處之後即為居。亦無所謂棄疾。所以滅弑君篡代之迹也。而春秋于兩君者。先皆不沒其初名。後皆正斥其所更之名。則天下後世並知楚子處與公子圉為一人。楚子居與楚公子棄疾亦為一人。則或在位十二年。或在位十三年。其為弑君篡代之跡。安可滅哉。

冬十月天王入于成周

管見成周即王城也。在今河南府之洛陽縣。昔武王既克商。終夜不寐。周公問焉。武王曰。吾未定天保。何服寐。我南望三塗。北望嶽鄙。顧唐有河。粵唐洛伊。無遠天室。營周居于洛邑。而後去。此所謂定天保也。周之王業於是乎成。故曰成周。歷二十五世。積七百又二年。而及茲昭公之二十二年夏四月。景王崩。王室亂。劉子單子以王猛居于皇秋。

劉子單子以王猛入于王城。王城亦即成周也。其特稱王城者。以謂王猛得入而居之。非王子朝之所可據。欲以抑其僭焉耳。至是年冬。王子猛卒。立敬王勾。以昭之。二十三年改元。是得以天王稱矣。於時王子朝之亂復熾。遂致天王去王城而居于狄泉。乃有尹氏立王子朝。夫非立之于王城乎。然王城為天王所居。不得容王子朝之入也。故王猛入於王城。則書王子朝亦入於王城。則不書其辨嚴矣。然自是而王子朝號西王。敬王之稱天王者。號東王。凡歷四年。為今昭之二十六年冬十月。傳言劉子單子以王自狄泉次于滑。有晉之知罃趙鞅帥師納王。亦惟是納之以入于王城而已。而春秋於此冬十月。乃特書天王入于成周。而不言王城。則何以故。亦欲借以扶王室之衰。而遏其亂萌耳。昔成王蒙武王之業。而體其志。乃復營成周。為之定鼎於郊。卿卜世三十。卜年七百。是知天祚明德。有所底止矣。庸可促乎。亦越於今周德雖衰。天命未改。則天王之自狄泉而得入者。猶是前定鼎郊鄆之成周也。其卜世卜

年之數不遠盡且難量其將盡而復引而長之矣故知天
王入於成周實為天命非人力也彼王卿之有劉子單子
雙起倉猝惟辦挾王以走狄泉之坐困者四年而徒望救
於晉既絕無定亂之能至於晉以同姓大邦爵居侯伯一
國郊而遂還漠視王室之亂者亦四年而始令其卿知
趙鞅帥師以納王苟使捫心自問皆罪無可解尚可貪天
之功以為己力哉

尹氏召伯毛伯以王子朝奔楚

管見此尹氏召伯毛伯皆王朝世卿之後當時所號為大
家者其人亦非必顯要用事能與劉子單子相等故王子
朝得援之為私黨也尹氏系出吉甫之賢吉甫佐宣王中
與其裔得世居卿位春秋以前有尹氏太師乘幽王之大
壞以秉均亂政家父作節南山以刺之至春秋隱公三年
夏四月辛卯有書尹氏卒者識其赴於諸侯不以名與先

三月庚戌之天王崩同與一八月庚辰之宋公和卒異也此其僭侈相習率以為國而無足怪矣故凡尹氏有為其後之子若孫得襲其爵守其賜邑者並蒙尹氏之夸稱而不改耳杜注謂尹氏以其族奔非一人故言氏未為確論王子朝之亂黨尹氏為魁召伯毛伯為之從其皆不斥其名而猶喚舉其氏爵者欲以著世卿之關通作難輒以三成衆亦並見亂黨之狡脫逃誅竟無一就擒也說者又或據公羊以為楚之去周為遠而尹氏召伯毛伯以王子朝自周奔楚其所過之國皆未聞有所阻遏乃遂以其緩追逸賊為諸侯罪所見亦未審前文公十六年楚人與秦人巴人共伐庸滅之而分其地其庸都之近楚為今湖廣鄖陽府者皆歸於楚矣自鄖陽北出即為今河南府之盧氏縣盧氏距洛陽三百四十里宣公三年楚子伐陸渾之戎遂至於洛觀兵於周疆其道實由於此然則今尹氏召伯毛伯以王子朝奔楚即因楚子伐戎至洛之道為王子朝去洛奔楚之道初不經諸侯之國又安得以緩追逸

賊為誌
侯罪哉

二十有七年

春公如齊公至自齊居于郚

管見去年秋

會齊侯莒于邾子杞伯盟于郚陵蓋仍欲

倚齊侯為主

復圖成也故及今年春而公如齊以請命

焉然春秋書

甚緊終稱公如齊即聯稱公至自齊是殆

齊侯托疾以

公無由得見齊侯乃自齊反而居於郚耳

高氏閔曰

至自齊居於郚者三至自會居於郚者一

至自乾侯

至自齊居我君故也君播越於外

不得其所

會國臣子之義

可絕乎

春秋之作明君臣也

夏四月巳弑其君僚

讀春秋管見

卷十二

昭公二十七年

五十

管見吳弑其君僚公子光之志也。據傳記所載昭公二十年。楚平王居殺伍奢。其子員亡奔吳。當僚立之五年。員嘗語吳以伐楚之利。公子光曰。是宗為戮。而欲反其讐。不可從。員曰。彼將有他志。因為之求勇士。得鱄設諸耕於鄙。以待之。及茲昭之二十七年。僚立。既十二年矣。其先年楚子居卒。吳因楚喪而伐之。僚之母弟公子掩餘燭庸使帥師圍潛。亦使延州來季子聘於晉。會吳兵為楚兵絕其後。不得還。公子光曰。方今吳外困於楚。而內空無骨鯁之臣。是無奈我何。乃伏甲於窟室。而請享僚。僚使甲坐於廄。及其門。門階戶席皆僚之親也。夾之以鉞。羞者獻體。改服於門外。執羞者坐行而入。執鉞者夾承之。及體以相授也。光偽足疾。入於窟室。鱄設諸寘匕首於夾魚中以進。手匕首刺僚。遂弑之。僚之弑。其力出於鱄。設諸而其為光謀者實為伍員也。員亡命於吳。固依僚以苟活矣。乃即私於光而蓄謀以卒弑僚。此其逞智為逆。復何所不可哉。故春秋不暇明正其罪於公子光。乃特指其國而書之曰。吳弑其君僚。

其意殆以稱吳者對楚言之。使知伍員無讐於吳。吳既由以弑其君僚矣。則伍員之有讐於楚而欲因吳以報者在楚之新君軫與楚之先君居不誠極危也。耶。蓋僚弑而公子光立。舉伍員為行人。與謀國事。此為何報楚之藉矣。閱八年。為定公之四年。由蔡侯質其子於吳。而請伐楚。吳子許之。伍員從。當是年冬十一月庚午。吳子及楚人戰於柏舉。楚師敗績。囊瓦出奔。庚辰。吳入郢。楚子西走。涉睢。濟江。入於雲中。楚子寢有盜攻之。以戈擊王。夫亦猶是吳士。鱣設諸之凶悍耳。幸而王孫由于以背受之。中其肩。楚子得免。不然。楚固弑其君軫矣。及楚子奔郢。鄭公聞辛之弟懷曰。平王殺吾父。我殺其子。不亦可乎。夫亦猶是楚亡臣。伍員之怨怒耳。幸而鄭公辛曰。君討臣。誰敢讐之。君命天也。若死天命。將誰讐。必犯君。余將殺女。楚子復得免。不然。楚仍弑其君軫矣。自後鄭公辛乃與其弟巢以楚子奔隨。吳人於隨索楚子。時子期似王。欲逃王而已。為王曰。以我與之王。必免。隨人卜與之不吉。乃辭。吳曰。楚實存隨。難而

棄之。不可以事君。吳人聞之。雖不欲。而心知隨之。小而回。非如郢之可哭入也。乃還。但隨之所由辭吳人者。初以爐金嘗官於子期氏。實與隨人要言。使無以楚子與吳。并欲脫子期。是楚子之卒得免。以不負子期之欲代楚子者。尤幸。賴有要言於隨之爐金矣。苟或不然。隨出楚子以與吳人。彼楚之亡。臣伍員在吳師中。必殺楚王。詎不見為楚終弑其君軫乎。至于吳人退而去隨。楚子雖誠得免。而伍員之欲反父讐。其憤未得洩也。乃更出平王。楚子居之尸而鞭之。嗚乎。此較之弑其君者。罪尤大。惡尤極矣。而要皆自此年之夏四月。吳弑其君僚。而以伍員為謀主者始也。楚子軫初不知戒。而春秋書此。則固怵然心動矣。

楚殺其大夫郤宛

晉見此年夏四月。吳弑其君僚。僚之母弟公子掩餘。公子燭庸。方帥師圍楚之潛。弗克。因楚之左尹郤宛與工尹壽。

帥師至潛而扼其歸塗不能退。突聞公子光在國乘機策代用伍員之謀而使鮑叔諸刺王。二公子以王之母弟擁兵在外其難必旋及之。危在旦夕。於是掩餘奔徐燭州奔鍾吾。其師之時潰亦可知矣。此役也。吳未嘗與楚戰而其將奔師潰與戰而敗績何以異焉。吳師同于戰而敗績則楚師亦同于戰而有功矣。然據左傳敘列諸將如莠尹然工尹麋帥師救潛豈嘗聞其至潛而救之哉。至左司馬沈尹戌帥其都君子之在都邑有復除者與王之晨馬官屬以濟師距吳師遇于窮遏則止駐其所而待之矣。且其地為窮屬今江南鳳陽府霍邱縣非能及潛之在今江南廬州府霍山縣者則亦未嘗有以救之已耳。若夫今尹子常名震瓦乘政當國惟以舟師及河汭而還河汭在沙河入淮處屬今鳳陽府之懷遠縣以視窮之距潛為益遠雖欲救之如之何其可及乎。是則楚之師還論功惟卻宛與壽兩人而止而卻宛又其最也。今尹震瓦必深嫉之而又有承其意以進讒者為費無極其時茲從令尹子罕而還自

河汭。因以語令尹曰。救潛之師。本可得志於吳。卻宛取賂焉。乃息還師。又誤君師。使皆以其師退。曰。乘亂不祥。夫吳乘我喪。我乘其亂。不亦可乎。此所謂欲加之罪。不患無辭也。楚之軍法最嚴。有失機不進下令。而沮衆心。復加以貪納。敵賂是必。以殺無赦論其罪矣。又去年秋九月。楚子居卒。立太子軫。纔及此年改元。勢當倚任令尹。明罰斷刑。皆由之。而囊瓦遂得逞其忌剋誣陷之私。此楚之所由殺其大夫卻宛也。與令尹囊瓦殺卻宛。而春秋書楚殺者。欲以見令尹囊瓦之得專楚。不復知其有楚子。而於殺其大夫卻宛。亦不復知其為楚子殺之云耳。

秋晉士鞅

邾衛北宮喜曹人邾人

滕人會于

晉見。扈杜注。鄭地。滎陽卷縣西北有扈亭。今在河南開封府原武縣西北。前二十五年夏。晉以謀王室而會于黃父。

此二十七年秋。晉復以成周而會于扈。皆會諸侯之大
大也。然齊不與黃父之會。鄭猶在焉。及茲扈為鄭地。而其
會乃復無鄭。則晉業之日衰。固有號令不行於諸侯之大
夫者矣。至鄭以外諸小國。其大夫亦嘗會於黃父。而不會
於扈。固不足為有無也。晉何以欲成成周。去年冬十月。天
王入于成周。晉納之也。其尹氏召伯毛伯以王子朝奔楚。
豈不亦慮其煽楚以圖成周也哉。故晉猶假諸侯之力。相
與成之。以卒成納王之舉。乃皆名其大夫以會于扈。其成
成周之說。安所據。觀後之三十二年冬。當晉定公時。晉以
諸侯之大夫成周。傳言王請於晉曰。諸侯勤成。五年。余
一人無日忘之。若修成周之城。俾戍人無勤。諸侯用寧。豈
賊遠屏晉之力也。范獻子謂魏獻子曰。與其成周不如城。
之。然則成成周者。以其城壞故爾。但諸侯之遣成。或至或
不至。其至者亦多無足賴。與不至畧同。因是而春秋於後
之成。成周則書於今之成。成周則不書也。若傳稱此會于
扈者。宋衛皆利納公。大夫樂祁犁北宮喜。固請於晉士鞅。

士鞅辭轉極情抑公以張季孫其言皆背義傷道誣天廢倫非復人語何物士鞅而敢肆無忌憚若此且宋衛大夫固請於士鞅以納公公當側聞之也是宜如宋衛矣胡以是年冬公復如齊哉又士鞅不欲納公而以悖辭却宋衛大夫公亦當側聞之也是宜終如冬之至自齊居於郕矣胡以明年之春三月公乃如晉哉從可知扈之會惟是令戍成周而已以為並謀納公者固不可盡信也

冬十月曹伯午卒

邾快來奔

晉見家氏鉉翁曰襄二十一年邾庶其以漆間邱來奔二十三年邾丹我來奔季孫宿始納之及茲昭二十七年邾快又來奔季孫意如復納之宿與意如世濟其惡不君其君又誘人之臣使之叛其君而已為之進逃數罪可勝誅

乎。快雖邾大夫。微者耳。春秋特錄之。而無所遺。誅季氏之
無君也。至三十一年。黑肱以盟來奔。復受之。而不疑。推其
無忌憚之心。亦何所不至。春秋詳書之。誅叛人。實誅季
氏也。高氏閔曰。邾庶其與我黑肱。傳以三叛人。邾與快
亦其徒耳。魯之彊臣季孫意如。逐君而據其國。則邾快之
不臣而叛君。輒去其國。以承奔者。亦以類相從而已。按二
說並歸罪季孫氏。最得春秋之旨。

公如齊

公至自齊居于鄆

管見猶是此二十七年耳。春書公如齊。公至自齊。居于鄆。
冬復書公如齊。公至自齊。居于鄆。不增省一字。則是公之
再如齊者。齊侯仍托疾以辭。公仍未得見齊侯也。亦稔
知去年秋之會鄆。陵為虛會。會而盟於鄆。陵為虛盟矣。以

故於明年之春三月公如晉其志乃不欲更如齊云

二十有八年

春王三月葬曹悼公

管見史記稱曹悼公立九年朝于宋宋囚之曹立其弟野是為聲公悼公卒於宋歸葬此於謚悼之意亦似之然春秋及左傳皆無文史記何所據而云然耶且是時為宋景公樂由昭之二十五年宋元公佐卒于曲棘景公始立纔二年乃敢因曹悼公來朝而囚之使卒于宋於事理太遠其為不然必矣

公如晉次于乾侯

管見乾侯杜注在魏郡斥丘縣晉境內邑闕駟曰地多斥丘故曰斥丘今直隸廣平府成安縣東南有斥丘古城按

乾侯雖為晉邑。其距晉都甚遠。次于乾侯。即使以難告於晉。而待其命也。晉人恠公之被逐。而倚於齊。既四年。齊無能為。乃轉而求援於晉。故却公使而有言曰。天禍魯國。君淹恤在外。初不使一个辱在寡人。而即安於甥舅。其亦使逆君可乎。語見左傳。此甥舅。謂齊也。欲令齊逆君。則齊之不能來逆。必矣。於是此年之春三月。公如晉。次於乾侯。姑忍而待晉之有後命否耳。

夏四月丙戌鄭伯寧卒

六月葬鄭定公

秋七月癸巳滕子寧卒

冬葬滕悼公

管見此年自夏及冬，聯書鄭伯、滕子之卒，蓋魯必使人弔其卒，會其葬矣。然皆季孫意如主之，公則自其孫於齊而居鄆者。既三年，復以此年之春三月自鄆如晉，而次于乾侯也。噫，魯之季孫意如，猶計及於他國之死君，以為禮不可缺，乃於我國之生君，淹恤在外者，竟置焉若忘，可不謂喪其本心，絕無人理也哉！

二十有九年

春公至自乾侯，居于鄆。齊侯使高張來唁公。

公如晉，次于乾侯。

管見昨二十八年春三月，公如晉，次于乾侯，欲以待晉命也。既盡一年，而晉若罔聞知，非但不謀納公，即唁公者亦

未嘗有故。公之次于乾侯。及此二十九年春。而公復至自乾侯。居于鄆。馬齊侯使高張來唁公。殆以二十七年。自春及冬。公嘗病。如齊而不獲。一見必憤其托疾以辭者。實為有心。固拒也。因於公之至。自乾侯居于鄆。使高張來唁公。以解之耳。然前之齊侯唁公于野井。唁其孫於齊。次于陽州。不得居其國也。今高張唁公于至。自乾侯居于鄆。其唁之。必謂齊外無力。齊侯猶得取鄆。以居公。乃晉之不競。遂至靡然沮避。絕無志於諸侯。而於宗國之難。亦復膜視。其將若之何。於時公聞之。以為唁本虛文。且贊高張之口。脰間猶以齊侯之取鄆為有德。乃益憤焉。故當高張謝去。而公復如晉。次于乾侯。蓋舍此而不顧也。其如晉者。豈猶有望於晉哉。其如晉而次于乾侯者。豈猶欲反而居於齊侯所取之鄆哉。

夏四月庚子叔詣卒

管見此年夏四月庚子叔詣卒。穀梁傳載季孫意如之言曰。叔詣無病而死。此皆無公也。是天命也。非我罪也。注謂叔詣欲納公。乃無病而死。此皆天命使魯無君。爾夫非獨欲著季孫意如之背誕。若此哉。然就其言以思。叔詣之志行。亦得藉徵其梗概焉。蓋其所云欲納公者。此即叔詣之志矣。其所云無病而死。必為欲納公而弗克。卒無若季孫意如何。遂恚憤不食而死也。此即叔詣之行矣。故取貴於春秋而書其卒。見叔詣之死。賢於生。不愧其兄叔輒。叔輒亦不愧其父叔弓。並不愧其祖叔肸。直可與叔孫氏之有叔孫舍者。皆失心於義烈忠愛。以完名全節也。夫

秋七月

冬十月鄆潰

管見公以春如晉。次于韓。侯。至冬十月而鄆潰。注謂為鄆人之叛公者。殆未審也。孔氏穎達曰。公自二十六年以

來嘗居于郕。此時公既如晉而郕人潰當是季孫意如道之使然。欲公不得更來焉耳。此論極允。

三十年

春王正月公在乾侯

晉見胡傳。公去社稷於今五年。每歲首月。不書公者。在魯四封之內。無適而非其所也。至是郕潰。客寄乾侯。非其所矣。歲首必書公之所在者。蓋以存君。不與季孫之專國也。此得春秋書公在乾侯之正旨矣。而又有餘意。當指出者。蓋在為定辭。非次之謂也。公自此年以後。不思自乾侯。以如晉都。亦不復思自乾侯。反於郕。以居魯邑。則公之在乾侯。為有定矣。且在有存義焉。可與三十二年之公薨于乾侯。反對。薨則不可以言在也。從可知此後三年之春王正月。皆必書公在乾侯者。亦猶得幸公之尚存焉耳。

夏六月庚辰晉侯去疾卒

秋八月葬晉頃公

晉見杜氏預曰三月而葬速按晉自魯成公十八年正月庚申晉弑其君州蒲不書葬至襄公十五年十一月癸亥晉侯周卒十六年正月葬晉悼公昭公十年七月戊午晉侯彪卒九月叔孫舍如晉葬晉平公昭公十六年八月己亥晉侯夷卒十月葬晉昭公皆以三月而葬蓋習實為常矣何暇一一執先王定制以議其速哉

冬十有二月吳滅徐徐子章羽奔楚

管見徐子章羽書其爵亦書其名皆所以罪吳也吳之滅徐特以吳公子掩餘奔徐故豈徐有當滅之罪乎是則直書其爵矣禮諸侯不生名失國則名之然春秋書諸侯失國而出奔者凡十有五亦有不生名者何以此徐之為吳

滅而非其罪徐子章羽獨不得從此例耶揆其必名之意
非罪徐子之失國奔楚特欲罪吳之暴滅諸侯其惡視楚
為尤甚耳以近事徵之昭公八年楚子虔滅陳陳侯不名
十一年楚子虔滅蔡蔡侯亦不名至十三年而楚子居並
復陳侯蔡侯蔡侯廬歸於蔡陳侯吳歸于陳然後皆名之
欲使無忘其先之失國以為戒也若此吳之滅徐及春秋
之終絕不復見有徐子是滅則竟滅而徐子不得以名
書以此著其暴滅諸侯之罪可不謂吳之惡視楚為尤甚
哉

三十有一年

春王正月公在乾侯

季孫意如會晉荀躒于適歷

管見據左傳所載晉侯將以師納公季氏本曰晉定公初立有弱霸之志觀後之城成周及會于召陵侵楚則納公之意不可謂無也於時晉執政士鞅說晉侯曰若召季孫而不來則信不臣矣然後伐之若何此亦巧於沮晉侯納公之師矣非士鞅之受賂以庇季孫胡能致是我及晉侯召季孫士鞅復使私焉曰子必來我任其無咎其所使私者殆即季孫意如所會之荀躒與荀躒阿事士鞅亦受季孫之賂乃期意如以會于適厯其地固先定焉適厯當是在晉都之近郊者意如以晉侯之召如晉豈敢憚行而次于遠乎至於會晉荀躒荀躒偽以何故出君周有常刑咸之而意如則早辦一練冠麻衣跣行之狀亦欲假托於有罪而麗於刑者為之自首而身而足皆變於常得以自明其貶損惶怖有如此冠質不厭即為練冠衣材不絲即為麻衣不得執喪禮之有練冠麻衣立解且其稱跣行者亦非赤足之謂君子不徒行或徒行而舍命腰則無以負其跣與跣行何以異焉當是之時荀躒亢而言季孫意如則

代而對其對之辭若曰事君臣之所不得也敢逃刑命若以晉之霸令使得從君以師則固臣之願也又敢有異志乎於是荀躒白于士鞅士鞅與荀躒同復於晉侯為之指其狀述其辭而季孫意如之非信不臣也決矣此在晉侯之心納公之師既可以罷夫寧不即思面質季孫意如而遣之俾得從君以歸乎哉而士鞅之與荀躒仍因受賂以卒庇季孫必言意如之畏罪正服其猶是練冠麻衣跣行者不宜引以登朝觀君惟是使之舍于近郊以待命焉可耳晉侯然之以故於夏四月乃使荀躒唁公于乾侯享季孫意如以往

夏四月丁巳薛伯穀卒

管見薛杜注魯國薛縣今薛城在山東兗州府滕縣南四十里季氏本曰薛自魯桓公以來服屬於宋魯雖與薛同盟猶以宋屬待之故此薛獻公穀以前魯無有弔其卒會其葬者自今昭之三十一年乃書四月丁巳薛伯穀卒秋

莒蒯獻公。是時公在乾侯。其於薛之弔莒備禮。誰實使之。莒蓋三家專魯。季氏為最。蒯獻公殺始附之。是乃季孫意如之所欲。私厚者。與按此說可從。但季孫之私厚於薛。還當推見所由來耳。觀此前之二十五年。晉會諸侯之大夫。以謀王室。令皆輸王粟。具戍人。傳謂宋樂大心曰。我不輸王粟。我於周為客。若之何。使客是宋之背。誕為已極矣。至此後之明年。為三十二年。晉復會諸侯之大夫。謀城成周。其十二月。公薨。踰年為定公元年。其三月。令興城成周之役。傳復謂宋仲幾不受功。曰。滕薛邠吾役也。薛宰曰。宋為無道。絕我小國于周。以我適楚。故我常從于宋。晉文公為踐土之盟。曰。凡我同盟。各復舊職。若從踐土。若從宋。亦惟命。仲幾曰。踐土固然。薛宰曰。薛之皇祖吳仲。居薛。以為夏。中。正。吳仲。還于邠。仲虺居薛。以為湯左相。若復舊職。將承王官。何故。以役諸侯。仲幾曰。三代各異物。薛馬得有舊為宋役。亦其職也。然則宋之陵虐。又誰能堪。此乎。從可知薛屬于宋。雖宋嘗顯與為絕。因早陰結於魯之強家。以備厥。

矣。薛陰結之魯三家，遂私厚之。當此年夏四月丁巳，薛伯殺卒李孫意如，猶在晉而仲孫叔孫氏必有使入弔其卒者。若其秋莖薛獻公季孫意如已至自晉，必又有以薛伯殺之卒幸仲孫叔孫氏之不缺於弔，亦即因其莖薛獻公而自謀使人會其莖者，以此申季氏本之說，似益明暢。

晉侯使荀躒唁公于乾侯

管見左傳云夏四月季孫意如從荀躒于乾侯，荀躒以晉侯之命唁公。且曰：寡君使躒以君命討于意如，意如不敢逃死，君其入也。公曰：君惠顧先君之好，施及亡人，將使歸。冀除宗祧以事君，則不能見夫人已所能見夫人者有如河荀躒掩耳而走曰：寡君其罪之恐，敢與知魯國之難臣請復于寡君，退而謂季孫君怒未息，子姑歸祭。於是季孫歸公之在乾侯者如故。陸氏淳曰：荀躒之唁公在晉地，故不言來。劉氏故曰：季孫意如既會荀躒于適厯矣，而晉侯

復使荀躒唁公。其唁公者，使之入也。家氏鉉翁曰：晉定公初立，即欲納公，而卒沮于士鞅、荀躒、權移于下，志不獲伸耳。彙纂案：左氏稱適歷之會，意如願從君而歸，此奸邪欺人之言，豈本心哉？晉使荀躒唁公，而勸公以入，亦借此以塞責耳。及公謂不能見季氏，則晉亦不復謀納公矣。

秋葬薛獻公

冬黑肱以濫來奔

〔管見〕許氏斡曰：邾快黑肱相繼來奔，季孫當國，以類相從也。按此說最得經旨。當據其意而申之。蓋季孫以二十五年，逐公專魯，及二十七年，而勢將定，其冬遂有邾快來奔。季孫納之，亦越茲三十一年。晉將納公，而召季孫危矣，乃復得歸，而以使莖薛獻公道過於邾，則終晏然無患，而其勢益孔固矣。於時復有與邾快相繼而以濫來奔者，濫杜

注。東海昌慮縣。今昌慮故城。在山東兗州府滕縣西北。是
濫本邾邑。而黑肱之為邾臣。必可知也。然春秋前書邾快
而此獨不書邾黑肱。揆其去邾字之意。蓋以邾邑之有濫
黑肱。為長快。即其佐耳。其心並以濫與費接壤。苟取邾而
歸季孫。使得與費為唇齒相依。則濫可割據而有之也。因
先使快來奔。以審其足類與否。既盡三年。而公將以乾侯
終其漠然坐視者。晉亦與齊無以異。魯殆獨知有季孫而
已。因是而黑肱之叛志決。遂以濫來奔也。然則黑肱之與
快。雖兩人而實一心。其以濫來奔者。猶是快之所共謀而
合者也。故春秋書此。特為之並黑肱于快。而以一邾字統
之。使讀者悟其來奔之先後中間雖隔以三年
究之。可作一日觀也。分書詎有別於聯書乎哉。

十有二月辛亥朔日有食之

三十有二年

春王正月公在乾侯取闕

「傳見」孔氏穎達曰。公羊傳曰。闕者何。知婁之邑也。案左傳定公元年。將塋昭公。季孫使役如闕。公氏將溝焉。則闕是魯公墓地。非是邾邑也。此說辨闕字極確。當從之。桓公十二年十二月。公會宋公于闕。杜注。闕。魯地。在東平須昌縣東南。今山東兗州汶上縣西有闕亭。在南旺湖中。殆卽此。所謂闕者。但闕之有墓。家氏鉉翁卽概指為魯羣公墓者。亦混攷明一統志。魯公墓在曲阜縣東八里。修罷。蔓延不絕。皆周魯諸公所塋。其西塋伯禽。其南塋文公。曲阜為魯郊。距汶上之闕約一百數十里。或自文公以後。宣成及襄為昭公以前之三。世皆塋于闕焉耳。闕為墓地。何以言取。蓋因此三十二年春正月。公在乾侯。亦竊自料死期將至。不得入廟。特思於墓哭之。亦不得至曲阜之墓。特思於闕之墓哭之。而猶慮其自乾侯入魯。季孫意如雖不敢與師顯拒。而於前所居之鄆亦嘗以季孫誘之而遂潰也。鄆在

關西將如關道。必經郛。其或奸人。竊發。豈得不警備乎。於是盡起公徒為衛。被甲執兵。銜枚疾走。其狀幾與齊侯之先。欲居公而取郛者。無以異焉。故春秋不書如關。而書取關。欲著公之得至於關。以哭其墓。實有戒心。而見為亦倉皇。亦振厲者。固若此。其甚也。於關且然。彼自魯公以下。歷十七君。而至文公。其墓在魯都曲阜之東。尚敢冀幸其親至。我當是之時。度公亦唯望拜於關而已。遂急去魯。而以晉地之乾侯終。

夏吳伐越

管見高氏閔曰。前此越與楚子伐吳。故始用師于越。此謂欲滅前蓄之怨也。家氏鉉翁曰。吳方抗楚。懼越之議其後。故先伐之。此謂欲防後顧之憂也。二說須合看。其義始完。

秋七月

冬仲孫何忌會晉韓不信齊高張宋仲幾
衛世叔申鄭國參曹人莒人薛人杞人小
邾人城成周

晉見左傳云冬十一月晉魏舒韓不信如京師合諸侯之大夫城成周魏子南面干君位以令事衛彪僕非之又使士彌牟營城成周屬役賦丈書以授帥諸侯之大夫者而致諸王卿劉子韓簡子但臨之以為成命韓簡子即韓不信臨之謂履其事則主於巡視而止成命為魏舒之命是非韓不信之所敢易矣蓋其時魏舒為政汰侈特甚值茲如京師以會城成周其於大夫之為列卿者若魯仲孫何忌齊高張宋仲幾衛世叔申鄭國參皆不屑與之為伍至其他曹人莒人薛人杞人小邾人其大夫並微不得以名見則尤視之若無有矣故此會晉為之主春秋但舉韓不

危而不及魏舒欲著其如京師而南面令事安自尊大。報
以身在諸侯之卿大夫中其地分國有獨而無對焉。若
夫所謂城成周者即是城王城也。昔武王克商營周居於
洛邑而後去以為周之王業於是始成。因以成周號焉。惟
其地設兵駐防天子特以狩田歲一至非常居之。鎬京者
比故平時皆繫之王而曰王城今證之於詩王城在洛小
雅瞻彼洛矣之思古者首章曰。赫赫有爽以作六師是國
作王城之六師以行狩也。而其二三章曰。君子萬年保其
家邦。君子萬年保其家室。家邦指天下言。家室指鎬京言。
洛邑之王城居天下之中為鎬京門戶。君子憑是以萬年
保其家邦。家室此于成周之義不既昭灼已哉。又小雅車
攻之美宣王復古者。首章曰。駕言徂東。二章曰。東有甫草。
駕言行狩則亦猶是至洛之王城以作六師也。時則諸侯
會同有繹並從王于狩以助舉樂殆無異於西都鎬京之
以時會同者矣。因是其卒章曰。允矣君子。展也大成。此其
歸美宣王之中與。是使成周之遺業。頌衰復振不尤昭灼

已哉舊說或以成周為周公遷殷頑民之地其城圯惡且狹小不足容衆故王請于晉而晉合諸侯之大夫以城之蓋因二十六年冬十月先書天王入于成周然後書尹氏召伯毛伯以王子朝奔楚似乎入成周非入王城故生此異詞耳不知敬王之入成周苟非王城彼子朝之僭立而據王城者何故輒自奔耶惟王氏沿曰天子反正然後罪人成服此足推見當時之入者進偪奔者急避天王入于成周之王城子朝即奔自成周之王城入與奔當不得有兩日亦何疑有兩地乎總之洛都以成周為本名以王城為加名春秋書法其分見者意各有屬而其實則成周王城一而已矣

十有二月己未公薨于乾侯

曾見左傳云公薨于乾侯言失其所也劉氏本曰昭公八年於外齊晉皆不能討意如而納之者豈非諸侯之政柄

各授于大夫。黨同伐異。惟季氏之所為。其君並畏其偏。其欺而卒莫之問。與。按此說最中當時情事。惟末謂季孫意如攝祭而不敢篡。亦由周公忠愛之澤流入人者。未盡忘。則不免近於誕矣。又汪氏克寬曰。意如逐昭公。魯國八年無君。意如非惟不敢如田和三晉之篡立。亦不敢別立君者。良以魯秉周禮。理義之在人者深。是以猶懼公試之。或見討而未敢肆。無忌憚也。所見與劉說之近誕者。豈同至其論斷史墨。謂其言魯民忘君。而君臣無常位。專於貢。昭公而卷無一語責意如。與師曠之所以論衛獻者無異。此可以做乎人君。而非可以告人臣者也。率天下之強臣而為篡奪之謀者。未必非此言。啟之。是則不失春秋之義也。夫。